



14
1544
146



14
1544
145

章山詩集卷二十四

綿州李調元雨村

癸卯

元旦寄岳梅巢二首時岳方赴直隸總制袁公墓

寥寥知己定何人來往唯君誼最親兒輩每叨分藥活

孫郎時共數杯巡謂孫馬駒橋上封書夜鴻雪堂前壽

燭辰轉瞬此身成桎梏普天誰救不羈身

年將盡夜望君來懷抱唯君得暫開四世五公原故吏

一言九鼎藉長才沈寃似海誰能白薄宦如冰念已灰

只有清操天可表天恩倘許乞骸回

章山詩集卷二十四

14
15
145

章山詩集卷二十四

綿州李調元雨村

癸卯

元旦寄岳梅巢二首時岳方赴直隸總制袁公幕
 寥寥知己定何人來往唯君誼最親
 兒輩每叨分藥活謂孫孫郎時共數杯巡生馬駒橋上封書夜
 鴻雪堂前壽燭辰轉瞬此身成桎梏普天誰救不羈身
 年將盡夜望君來懷抱唯君得暫開
 四世五公原故吏一言九鼎藉長才
 沉寃似海誰能白薄宦如冰念已灰
 只有清操天可表天恩倘許乞骸回

二月初一日蒙 恩發伊犁當差是日出獄再用

東坡韻寄墨莊二首

天意回春恰仲春眼前贏得再生身來為縲紲之中客
去作伊犁以外人錢縱有靈慚使鬼卦非無據懶求神
何須五十知天命總是前因與後因

纔離獄底夜淒淒劍氣朝來便不低尚覺騰槽如老驥
原非斷尾學雄鷄書藏萬卷留愚子田祗三脍託老妻
他日白雲何處憶相望應在大荒西

和遵化州牧靳萊溪榮藩見贈元韻四首

兩年鞅掌路河東讌笑時因退自公如飲醇醪三語後

似投膠漆一杯中校讐手鑑行行細新鐫龍龕手鑑為君所校定

史諸詩句句工君有諫史詩百首若問循良誰第一風流仍應

讓文雄

亦知聚散易西東不以三公易此公求福恥尋木居士

同心早贈石虛中予有宋坑硯相贈應嘆李廣無侯骨始信王

良是賤工此後雲龍空悵望難分定若劍雌雄

橡栗生涯在灑東出來喜怒似狙公漫言勤學通今古

深愧為人在下中氣自錯磨顏遂俯詩從摧折格愈工

平生頗笑子雲老投閣空慚一世雄君詩有侯芭問字附楊雄之句

草堂結傍錦城東歸去花溪近杜公閒看山坳雲起處

相思水閣雨聲中吹竽未敢因知濫製錦還期細費工
爲問世間蠻觸事幾人贏得百夫雄

五十歲和祝芷塘德麟見祝原韻四首

一年三百六十日少出門庭多在室非貪閉戶學著書
畏人嫌我峻峭骨風波聊幸脫龍潭生計尚輸營兔窟
已拚歸去著青鞵非爲方來望朱紱卽看五十又飛騰
人生百歲安可必且喜身閒步履健梳櫛壽杖來自粵
兒孫遠勝弟兄歡座上觥籌互相罰自教歌舞自爲壽
戲謔都使畧儀節君獨寄我錦繡句頓令光采驚一瞥
強於去年客滿堂貢諛徒使金繒竭况有漁陽姘姻婭

百里趨來贄梨栗日歸日歸定何時懷有家書字未滅
豈知尚滯通潞河老興今朝屐齒折明年此日定何處
曝背柴門自捫蝨

平生性烈如夏日有樹絕不言溫室但知慎密口若箝
坐此令人嗛入骨手足皆非應世具坦途着我皆坑窟
只有一心思致身不懼三褫奪綬綬向持此論百不移
今知巧宦始悟必儻使繞指化爲柔何有鋒鏃頓吳粵
名者造物之所忌文章豈果遭天罰細村萬事不如人
未知減福是何節邇來靜悟循環理前因後因總一簪
得失鷄蟲了何時爭持蚌鷸力空竭風波已過淡若無

成事不說如周粟愁來心火鎮相煎惟應釋氏談寂滅
每聽然灰輒搖頭羞爲斗米再腰折感君同心言多中
出語直如矢貫蝨

學堂憶昔蒙童日自愧升堂未入室豈惟鄉塾少異書
欲買無錢貧入骨一自姚江得指授擬探天根躡月窟
又從瀛洲登籍迴汎覽得自諸同級已於中秘雇胥騰
聞有奇文借抄必更於海外得遐觀二酉移載自南粵
譬如酷好聚寶人豈懼冥搜遭神罰迄今家藏億萬卷
聚來半出清俸節豈能插架盡鑽研時資引睡寓目管
蜀本由來世所傳雕鐫近已囊將竭君何嗜好同酸醜

得毋下酒當棗栗我老將至多遺忘才減亦恐名俱滅
行與目不識丁同馱負空教馬背折山來此腹負將軍
不武不文久已蝨

鬱鬱居通日復日交徧謫我不但室負債如山屢出門
老馬奔波只餘骨今年三月至桑乾波濤直渡鼉鼉窟
沿河使者我姻婭謂陳韞山知我筮易困赤紱脫贈粗將官
事完思鄉至此歸始必辦裝未備倩何人宦囊已羞空
說粵每遇憂來輒高歌常從愁裏過佳節昨朝忽見園
中花枝上漸稀不堪瞥樓遲韶光又二年老矣不能力
再竭有子雖愚尚繫懷無知一聽覩梨栗歸來且學淳

于髡送客堂前任燭滅兒曹起舞踏破甕老夫欠伸腰
未折丁寧家事勿關白我非蝨父子豈蝨

附原作

送雨村同年歸蜀

編修

祝德麟芷塘

憶昔西遊岷蜀日停鞭逕造楊雄宅門前萬頃罷亞
風星後千巖蒼翠骨竊疑忘世如是境自念歸田無
此窟著書未倦厭閑冷粉署重來結纓紱駕浪文章
自信傳在天富貴誰能必便邀列戟治三輔先遣持
衡遍百粵正舒雲鬲看扶搏忽蹶霜蹄遭譴罰才高
氣盛事勇敢往往不知矜小節六年光景夢初醒兩
世功名燈一瞥

尊甫石亭先生亦曾官畿輔

國恩未報坐濡滯

家計雖羸幾罄竭來舊治假館舍未要故山尋棗
栗自知遺愛在甘棠歌管不教豪氣滅潞河水冰霜
雪積吾欲從之車轂折願君萬事後莫痞笑我一官
今尚蝨

人生出處交關日往往道旁謀築室熱中何殊蟻慕
羶搖尾不惜狗爭骨無官求官有戀官如魚覓水獸
走窟縱教偃卧在山林那忍忘情到簪紱君之去官
世所諒咎在勇敢事取必倘今有志入仕途未必北
轅求適粵 明廷賞璞每棄瑕况已贖金完貨罰君
言顯晦各有命利器安用試錯節少年願力甚宏大

建豎未成光景瞥但期長作苦李拋不願先爲甘井
竭羅江瓦鼓趁社墟錦里角巾收芋栗 恩重寧無
戀關心撥爐已見寒灰滅我聞其言何綽綽不覺骨
驚心更折勸君去去勿復疑莫向禪中伴蟻蝨
怪君薄領紛繁日那暇探書周藏室性耽嗜癖購蓄
勞未惜半千買駿骨插架真驚面百城借甌翻似營
三窟因君昔曾官翰林結交東觀諸朝級正逢右文
編四庫是書副墨求之必由來有好則有聚鄭刀宋
斤劍吳粵網維一一入品題振孫公武甘過罰虞初
小說九百篇羣玉遺經三禮節但是世間未見書付

之剗剗成功瞥金銷行見囊橐空紙貴不愁巾衍竭
新都狀元金齒戍蜀士奉若祐主栗表章補刻冊餘
種附以著述同不滅集排二十日函海策蹇馱來驢
背折望洋自笑井拘鼃射殼懸知輪廓蝨

暮春三月修禊日潞河一舸攜家室潛身澤豹偶露
斑曳尾神龜肯留骨自從米老書畫船重尋綿州雲
水窟懸巖撒手大千界破甌莫顧舊紳紱眼前富貴
何足論此後身家乃可必到家父老來慰問曝背菲
簷話燕粵槃阿路窈歌獨寐社酒杯濃醉百罰田園
豐美太平人松竹之間樂晚節獨憐我輩針芥交甘

年彈指風光瞥，蒼蒼小言每荷賞。欸欸愚誠思必竭，
忽憶前冬君在莒。淚如縷，縻股戰栗今朝得送盡室。
歸他日相思月明滅，世間離合亦何有。春草同榮秋
草折，揮弦我自送冥鴻。弄筆君休嘲蚤蝨。
甲辰

喜臯塘成進士

我家一門四進士，得第年俱二十九。汝於三李白眉良，
况復好學世未有。今年甲辰赴春闈，又屆其時亦非偶。
七藝滔滔翻水成，師定爲魁兄定首。君亦高枕待掇科，
吾夢自酉作至丑。自言劉蕡與朱濟，人力每妨天掣肘。

癡哉好事兩阿兄，隔宵襍被內城守。周家宅子禮曹東，
忍寒酪舖坐待久。日高三丈榜未掛，遣五弟探磚門右。
須臾忽見報騎來，傳呼直過江米口。君方掩關醉未醒，
忽驚剝啄聲如吼。聞道題名四十六，喜中尚嫌名畧後。
兩兄歸宅爲闈堂，賀客盈門雜稚叟。回思倘康孫山外，
兩兄何以對賓友。勉哉努力對大廷，魁首當如拾芥。
取中秘本是吾家物，所缺龍頭至今醜。無書不覽方爲
儒，好學應教充二酉。他年文章壽世誰，三李當推君不
朽。登泰山而小天下，高堂二老聞信否。吾知起舞踏

破甕就中喜煞第四婦

時香如叔嬭方攜
四婦歸寧泰安

喜鳧塘入翰林

題名我家事得自二人難是科甲辰會試四川額止二名竟遂登瀛志
當同及第觀兩蘇君可繼三李我無官際此遭逢盛和
聲振羽翰

上聞

南去漕河開灘如水堰稠索錢同權稅買米且維舟羊
帽全鋪市魚苗半上鈎離家二十日一步一回頭河民取魚皆用鈎有一繩而主四五百鈎者

七夕在阿城作

閨門露坐聽風濤百感中宵起鬱陶畢竟一生為拙換

老來始覺巧為高

挽唐母孔太恭人詩在開歸道唐芝田侍陞署中

天上驚聞隕婺星趨來猶及讀旌銘 國恩早受兒官

誥家世惟傳女孝經本為登堂思拜母誰知入室屈封

靈獨悲四海逋逃客先對孤燈哭濟寧

哭程魚門四首

忽得魚門訃長安撫署中天教擇地死芝田謂余言魚門至河陝道王

觀祭 祭者力疾往 秦欲以身託秋帆也人竟坐詩窮尚想髯如雪飄然鬢

似蓬黃公零落盡酒淚向秋風

憶昨銜杯語離京四月天三春雨汴水四海一芝田魚

言前次出京非芝
田千金幾不能歸
忍病猶爲客
云歸未定年可憐老奔
命總爲買山錢

聞爾秦關去全家留在京不知成永別猶囑早回程難
割孤兒幼堪悲寡婦聲平生詩萬卷誰爲理縱橫
余亦江湖客思爲浩蕩人與君同執手勸我早抽身杯
酒猶如昨衣冠已委塵從今歸志決策馬上峩岷

中秋芝日以乘槎釣月圖囑余題余卽用王夢樓
先生辛丑五月題圖韻作四首留別

與君別徐州相思道阻過今我來大梁又覺清興發
閱圖又見君恰屆中秋月人世苦參商撫景嗟華髮底事

乘槎人童頭齒未豁何時共泛查相濡如魚沫一笑凌
滄波指點煙霞活

夢樓我之師詩歌雲可過晚益造聲希淡語無妄發此
圖何年題辛丑夏五月函丈自睽違往事積如髮唯於
翰墨間時見使心豁自非同心魚誰解吐何沫寥寥短
幅中寫出天機活

張騫昔窮源一往勢難遏直到斗牛邊有如箭初發何
以探星宿不言釣明月乃知好奇人各欲窮毫髮浩蕩
從天遊總期壯懷豁看君馭風行槎擁成輪沫超忽波
濤中疑是龍身活

我家江發源奔流不可遏自別北山來久愧移文發君
何反思蜀欲看峩眉月毋乃以啟予老矣指我髮問君
五湖約此志何時豁人生聚散間電光同泡沫行當歸
林下看水源頭活

大名府南關和蝴蝶道人步余清化題壁原韻

并序

八月二十日至大名城南旅店見壁間有詩云
歷歷覃懷道秋來暑漸輕暗香浮竹粉遠脉瀉
泉聲富貴原宜骨文章豈爲名十年遊宦志無
限故園情未題蝴蝶道人步李雨村觀察清化
鎮原韻奇哉此余辛卯年北上過河南時詩也

不知蝴蝶道人爲誰而追和於此余又適宿此
店見之且富貴原宜骨一聯似深知余生平者
不題姓名可惜也因和其韻

宦興老猶重此行身太輕馬蹄空有跡雁侶遠無聲傲
骨生難改留皮死爲名一聞蝴蝶語深負道人情

哭大名太守靳菴溪

樂藩

仍用前韻 並序

菴溪爲余舊屬遵化州牧擢大名守余於八月
廿日由汴梁至元城訪之甫底店聞菴溪已於
前一日卒未斂因撫尸大慟哭詩二首

豈愛老爲客言歸累未輕難逢開口何意值哀聲春

雨懷遵化秋風哭大名詩人寥落盡孤館若爲情

一卷吳詩刻千金費不輕品題尊御製集覽避虛聲

葉溪曾箋吳梅村詩注題曰集覽避箋我作鳴驢客君

汪名也書首刊御製題詩尊王章也傳附驥名今朝重把讀不盡故人情

齊河和墨莊題壁韻并序

過齊河縣大清橋見店壁詩云小別纔經月重

來問渡船水添新過雨樹減舊時煙僻性詩居

首陶情酒在先依然猶故我落日悵前川歎蜀

松坪道人書松坪者予三弟檢討鼎元別號也

先予出京來濟南余前在豫有書相通言在泰

安將往江南不知成行否今見詩彷彿泥上鴻

瓜後先相印因步其韻亦書於壁墨莊復過亦

使知余也

齊河秋水渡岸仄恰容船樹掛半鉤月橋橫一縣烟詩

慚王勃後鞭讓祖生先同作他鄉客何時返兩川

釣突泉用趙松雪韻

灤水津津無處無胡然突出小方壺魚翻茶跟湯疑沸

蚌湧珠胎岸欲枯石可觸雲爲近岳潭如印月亦如湖

何須七十二泉遍只此泉令興不孤

大明湖

童山詩集卷二十四

更無名士見獨有大明湖人去亭雖古吾來艇自孤萬
鴉盤獨柳百鷺聚深蘆忽動滄浪興漁歌起日晡

再遊泰山題泰安令何瑞菴人麟草書杜少陵望
嶽碑遂用其韻

必造泰山巔平生願始了齊州九點烟海日一輪曉風
生萬壑松雲上一聲鳥翩然凌空下俯視塵寰小

柳枝廟戲作柳枝詞二首

人間驚見柳枝柔一捻纖腰萬種愁最愛楊家好粧束
啼眉皓齒溜明眸

草草郵亭獨一卮不相思處也相思香山豈是無情老

已遣楊枝祝柳枝

憶昔 和三弟墨莊蘇州寄懷原韻

憶昔壬寅冬君來我身傍爲我壽五十金剛祝慈航時
有玉田案洶洶如翻江歌筵尚未徹別去如風檣夜宿
馬駒橋罷極始投床曉渡永定河廣只一葦杭修書却
寄君遠愧金玉堂觀察亦走吏翻思昔爲郎由來宦途
險對面陵與岡一朝挂吏議章黼失焜煌昨日馳道上
遐涉如龍驤今日繫籠中仰看衆鳥翔奴僕皆城旦隻
身竄異鄉臯大謹止此 聖恩非所望君時聞此信酒
泣翰墨場知我孽有作從中舌鼓簧手足無所措西向

悲河梁送我涿鹿城躑躅執我韉爲言曉易缺總由性
過剛欲效解官代格例無人將余曰君且歸報國在
文章所傷陟彼圯有母將不遑填麓尤難別少小同雞
窗諸子待君教尚可傳芬芳妻妾寄潞水零落不成行
長子遠在蜀行當來保陽一一皆託君使我家口康君
猶不忍去底暮倚垂楊最憐陳韞山百里置別觴又憐
岳梅巢鄉誼切同坊同謀解驂贖相顧神內傷乃知二
君子患難交益彰惟時袁清恪廉德人所揚再起制畿
輔奪情寵非常聞余將遠徙面奏神不忙天威爲之
霽恩澤滅汪洋四月始回通如蕤返魂香此中奔走誰

惟君在廟廊天語復垂問再拜謝恩光二年僑潞
水來往日復長閒居何所爲論詩夜未央非爲戀棧豆
兩鬢幸未霜君恩高且厚况復免投荒倘蒙再薰沐
還期呈丹腔願盡牛馬力此心終不忘九月往遼東猶
昧舍則藏納貲力未能以此思徜徉君時亦爲貧請假
先分張我方往津門旣行復彷徨鬱鬱安能居憂來忽
無方遂買南來舟東我遊脚裝之魯復之豫八月至油
房地得君泰安書喜慰始得詳星言卽命駕謂可晤衙
廂及我來岱岳不見君馬黃羸於齊河店見詩如許棠
聞君道中返多爲缺餼糧我歸君又去此遊母乃狂舉

世皆波毛我已悔遊邛胡爲君不悟四海奔茫茫昨日
接君書知君滯吳邦言鑄六書故效我癡膏盲又言學
陶朱晉寄姑蘇陸所得不酬勞恐益累踉蹌我今得請
話夙志固已償明當攜眷回肆意游瀟湘置身風波外
庶免傾擠防安能踰前轍一仆復一僵昨宵夢見君春
草吟池塘倘能遭五湖罄吐平生腸不然借君歸家有
南村庄願君官清班豈識林下強安得倩飛鴻一爲細
警商我今年半百甘苦已備嘗謬算百不遂塵土緇衣
裳仕宦亦何爲愆尤積難量不如賦歸去濯纓歌滄浪
曝背柴門下大笑談軒皇和詩聊代書相思雲蒼蒼

五十一歲和鳧塘四弟見祝元韻二首

兩載羈棲潞水隈自憐無伴少持杯何期笑口逢君到
頓令愁眉自我開天上蟠桃誰再種月中丹桂悔遲栽
滿庭朱紫休輕視親感皇恩降錫來是日大兒朝礎爲
余請 諾命至
敢謂曾爲兩弟師克傳衣鉢在今茲舊編李氏三昆集
新收童山一冊詩林下擬欵藤丈坐水邊閑覓釣竿持
壺中歲月田園富笑弄兒孫一解願

附原作

驥元鳧塘

好風隨我潞城隈報喜還兼獻壽杯依舊頭銜花
誥錫從新手簡綺筵開海邊桃李當年植砌下芝蘭

此日裁合與封翁拚一醉相看徵名 日邊來

是吾兄也亦吾師伯氏風流合在茲報國文章昆與
弟傳家衣鉢禮兼詩運河兩載清風播粵嶺三年藻
鑑持有德自應兼有壽南山頻願祝期願

除夕和芷塘見寄韻二首

從來仕宦比鮑竿荏苒投閑歲又闌顧影自慙霜髮白
駢顏難覓九華丹夜行衣錦誰能見暖氣侵帷我自安
漸看錦江春色動歸山準着鹿皮冠

之齊之衛定誰旁踪跡年年似賈商誰解同心贈紅藥
只求蠲忿佩青棠潞亭竹葉難成醉驛路梅花好似裝

守歲兒童渾不睡挑燈看我和詩忙

Blank page with faint vertical lines and a large dark smudge.

童山詩集卷之二十五

綿州李調元雨村

乙巳

禽言

歸嬉惟歸可嬉恩及羽蟲吾應之樂奏大韶吾儀之太
平盛世不歸胡為吾歸而竹實可以食吾歸而梧桐可
以棲其音若簫其翼若竿自歌自舞誰毀誰譽歸嬉惟
歸可嬉以下鳳凰言也

題扶少則提老則扶胡為危不持顛不扶日酒醴以歡
而日笙簧以娛而元德不言呂布伏誅王導不言伯仁

何辜惡傷其類獨不聞乎提扶誰提誰扶

善哉善哉仁則吾來汝勿捕窮吾下爾堵汝勿剗胎吾集爾臺吾心激揚可以勸汝心吾口誦伸可以開爾懷仁則吾來善哉善哉

賀世不賀天樞張不賀地財利賀外寧無內憂賀文事有武備故吾將高翔大皇之野而樂太平之世賀世都護胡不護為翠旌我之毛為車蓋我之羽可以為裘可以珥戶我護爾爾應我護如何掩地我不見而剪我之光彩伺我濡泥而蔽吾之回顧嗟乎吾固知尾帶千錢之為害而腰纏十萬貫者公然白日劫人而鷲鳥累百

曾莫之敢捕都護胡不護

孔雀言也

鳳凰不如我我比鳳凰似較可我有五彩之文章而命不如人我有五行之靈氣而體常見羸我何罪而城且獨春彼何能而青紆紫控哀哉哀哉上林枝上和聲以鳴盛者誰乎而不得與此輩共集於青瑣鳳凰不如我

以下鵲鳴鳥言也

得過且過忍寒忍餓期故何以帶索黔婁何以甘餓矜可捉兮何美人之財貨釜無炊兮何妨吾之高卧不剛不折不堅不破呼我為牛呼我為馬何妨對面而甘唾天下受寒受餓之人豈獨一箇得過且過

架架格格母傷我額母謂爾勇母謂爾逆爾用矛兮言
不盾爾用矢兮吾不革我無不讓爾兮爾亦何須我獲
海濶天空鴻飛遼濶猶聞其聲架架格格鴉鳴言也

三月二十九日發通州

兩年轆轤走天涯今日方離潞水窪立馬偏橋灣上過
就中難別是荷花

道出固安永定陳韞山瑤觀察留署中三日各指

兩子女為婚臨別留詩二首

攜得全家返劍門連宵樂事喜難勝雀羅漫網雲中鶴
鸞輩安知天外鵬敢詡袁閔友黃憲深慙徐晦送楊憑

勸君莫問然灰事已辦遊山一隻藤

少同肄業老同官臭味原來共膽肝百世朱陳互婚娶
兩家子弟盡芝蘭不須痛飲心先醉欲話分離鼻已酸
自古急流須勇退上灘容易下灘難

過彰德府太守盧介軒崧出餞留別

昔年曾到廬陵郡一片書聲遶吉州今日又過彰德府
十洲春色滿秦樓故人相見仍青眼太守風流欲白頭
聞道黃堂親課士韓陵可復有碑留

新鄉縣路生登瀛來送

又見門生候道旁舉頭知復過新鄉世間儘有能文客

童山詩集卷之二十五
備認童山作瓣香

樹中杞梓石中琚論爾文章價不殊莫再墮吾雲霧裏
登峯曾否見天無

過西安臬臺王蘭泉先生補招飲署中留別四首

曾從棘署曳長裾又駐提刑陝右車把酒連宵風雨共
論詩兩鬢雪霜如帝褒郭賀三公服吏重劉宏一紙書
行李尚能供困乏前途無用徧吹噓

昔年入蜀勦蠻夷盡道參謀李藥師倚馬千言書露布
洗兵萬里返牙旗賜翎孔雀書生少圖像凌烟望子知
翻憶一軍風鶴日可能憶到有今時

雖是從戎羽檄紛書聲靜輒微聞石碣路滑方吟雪

瓦寺梯高又踏雲聚米爲山工料敵囊沙壅水善行軍

至今譜作鏡歌曲仍是當奏捷文公有平定金川詩

企石癖曾著原鄙性耽何曾搜索遍江南得君指出張

冠誤始覺平生杜撰慙公里人趙指撰有金石存一書

代之及公指亦秦樹蜀山雲入函海初失其名以前名

安盡在峴幪內邊鴈回時再答函

金山驛館中遇少司馬胡豫齋高望同年奉命祭

江瀆回京見顧乃知前索詩稿

已作村夫子幾成貌大人爪牙祁父職喉舌秩宗臣覲

面先詢歲談心竟達晨最憐風雨夜南北各分輪

四月二十九日底家

得歸全感聖明恩贏得生還入劍門
婦子團樂如夢寐此身恐有未招魂

獨遊醒園

自從辛卯赴修門十五年來夢始醒
今日歸家誰是客鷗來隔浦鷺來汀

聞前羅江令楊古華見解任後留川甚久近將

回滇作詩遙寄

衢有謠來巷有歌板轅無計奈君何
人言草聖能驅鬼

我說詩顛竟入魔大抵人情憎古直
莫嫌醉尉大譏呵近聞消息猶難定
不識何時返薜蘿

鑿池

天公久不雨花容相對愁我知枯渴
甚攜鋤為花謀大觀臺下土潮潤如沙
洲浸浸傍層巖似有龍為湫面勢先規定
始取土一抔百簣至丈餘水涌為渠溝滋
滋一窠泉微雨點作漚試以瓢飲之已似
汲長流豈惟供沓爨兼使萌芽抽歸來却
問花花亦頻點頭

天然牀歌 并序

天然牀古栢根也昔先君應羅江令楊古華

周冕聘請修奎星閣取材於東山有栢高二千
 尺大四圍霜皮溜雨不知為何代物中梓人
 選因伐之以其身為棟而棄其根為薪先君
 惜之謂古華曰此可斲為牀也遂欣然送之掘
 及九仞乃得傭百夫攆之溯江舁至醒園除其
 沙礫剝之剔之稍加修飾杈枒蟠結百竅環瓏
 盡作龍鳳龜蛇之狀截而平其頂登之能容八
 人可坐可眠有若生成故曰天然牀其廣丈餘
 屋不能容故置於箭道以茆亭覆之率為風雨
 所拔然根堅於鐵故雖霜日亦不能剝蝕也因

易以瓦而移於臨江閣為作歌以記之

綿州奎閣齊雲霞建者楊侯字古華當時伐木十選一
 兩川斫盡仍三巴就中先子實首事古栢輪囷半封
 記忽與楊侯登東山黛色參天互驚視細者為楠大者
 哀乃惜其根乞作牀白從攆至醒園後夜夜玉衡星有
 光斲成縱橫皆一丈龍鳳龜蛇形各像犬牙相錯虬文
 蟠畧加修飾非由匠不須簣第不須茵磨洗瑩如楚簞
 勻涼天若徙北窓卧清風定認羲皇人我聞牀以栢為
 貴素栢蹙栢皆稱異何況人棄哉取之資費無多豈非
 瑞所怪直局脚微分釘爭金鐵前朝聞莫教又夢玉堂

去夜中催撰牀婆文嗟余須髮雖未皓歸來宦興跡如
掃安得此牀化黃楊高枕吾廬睡無蚤琉璃瑪瑙猶不
題矧又萊杞與管黎惟此先人手澤在堪與青蓮七
寶齊不願跣跣不願坐但願醉來此間卧不妨露頂看
青天一任浮雲太虛過

無題 四首

西番騷動又紛馳最是鄰邊婦早知己喜金川疆甫闕
誰教銀甕貢偏遲車輪轉處腸先結蠟燭燒來淚早垂
聞去烏斯猶萬里幾時纔得定歸期
滿地黃沙東復東西洋盡處總霜風烟塵虎視雕鞍上

秋水龍吟劍匣中朱粉未勻先自拭金牋纔製倩人通
早知不得狼烽靖女子還當學小戎

不須哀我並頭蓮王將孤身亦在邊只有杜鵑堪拜託
並無鸚鵡解書傳墮簪地響知非北孤燼天明悵獨眠
曉起問人旋報語將軍尚欲勒燕然

茶蘼又向夏初殘蝴蝶雙飛尙作團天上牽牛相會易
水中比目再逢難街頭聽鏡言皆好盞底連環印不全
閑把薰籠衣自暖龍涎燒盡鴨爐寒

客有呼余爲大史公者作二詩答之

吉士何曾是史官世人俱作翰林看就教麟閣曾除授

童山詩集卷之二十一
敢與龍門等量觀南越頭銜雖暫借東畿宦興已全闌
如今改換山人號呼我童山我自安

自憶差回復一命時溫顏名對退朝遲爲因改部詢何
故翻爲褫官受特知天子憐才褒骨氣相公聽懇入
膚詞可憐無限孤臣痛何日青天霧始披

移居醒園四首

出仕囊羞漉歸田食誓誓猢猻一朝散鴻雁半天高忽
憶先廬在無煩卜築勞溪邊有漁父候我入蓬蒿
不用移文至先回舊草堂友朋遊鹿豕山水奏笙簧深
柳同鶯坐高松看鶴翔沙鷗知我意江上弄斜陽

自是山居好其如識者難妻孥愁說隱父老愛談官但
使笙歌續焉知米甕殘朝來一鼓吹又缺半年餐

盡道居官樂終年沸管絃華筵添一笑筦庫少千錢禍
福誰能料功名總聽天不如閒富貴可當小神仙

戲作

世事無非戲何妨偶作謔先生實蘇產弟子盡川孩書
塾兼伶塾英才雜俊才小中堪見大此亦費栽培

喜門生董睿昌試得案頭

謝却尚書錦江聘却來村塾振金聲乘閑小試春風手
高掇難居化雨名康海席前皆樂府馬融帳後盡門生

他年造就如無負定說真才自我成

喜侄朝杰歲試第一

驂騮汗血氣凌雲杜甫詩中得杜勤却喜小兒能破賊
自誇老子尚能軍芹宮早步人原異柳汁彈來爾應聞
衣鉢相傳何足詫吾家兩葉忝衡文

客勸求田答詩言志二首

不是田園絕不談吾家未至石無甌從來禍首皆出富
幾見焚身弗為貪渤海無牛頑未化泰山有虎視方眈
况兼萬里身方賸落得餘資佐醉酣
非愛笙歌逐隊巡軍輪輻輳擾鄉鄰方思披髮峩山頂

肯復羈身紋水濱書籍購多空萬卷泥沙用罄已千緡
憑君寄語諸親串我豈求田問舍人

醒園晚興

寂寞掩柴扉村鴉帶夕暉牛知望闌返鴨自認門歸况
有棲遲樂寧忘倚覆幾流螢諳引路先我照前扉

兩邊山氣合一派水光曛渡口人歸晚溪頭犬吠雲荏

苜愁肘腋機械起妖氛安得鷹鷂逐殲驅烏雀是日有需

泥之

曉起楊庵將至天池

推枕天初曉出門星尚存如人柳當路似虎石眠村宿

草明殘雪偏峯眩早暎楊庵將到眼破落不成屯
秋泉鳴洞口冷樹出山腰曦見丁夫喜寒從卯酒消雁
聲風裏遠龍影水中搖已喚涪江渡天池路尚遙

天池

橫東一嶺小厓屨不信平山上有池忽見虹橋天半跨
恍如鵲鏡月中窺身疑博望乘槎到心擬君平賣卜知
聞道有龍行水澤如何屢見雨愆斯

明經何士銳招飲黃酒樓醉題

總角同窓四十年相逢須鬢各皤然兒童氣象猶今在
父子交情較昔賢月出皎兮人未散瓶之罄矣我先眠

覺來尚有殘燈在醉筆詩成又欲顛

魏城驛

古來城郭半荒邱山水淒涼暮色愁八百羽書方驛遞
六旬老叟正衾裯孤燈人語誰家店野寺鐘聲底處樓
睡起詩人無箇事淡烟喬木望綿州



童山詩集卷二十六

綿州李調元雨村

丙午

遊竇圖山

屹立三峯天半開
天橋何必說天台
歸來始脫風波險
怕看僧從鐵索來

匡山謁李太白祠

太白祠前草欲蕪
米顛碑蹟半模糊
平生亦有清平調
詩到匡山一字無

訪彰明舊同學明經郭幹

童山詩集卷二十六

隱居深處白雲遙畧約溪邊路一條偶向郭家問茅屋
正逢戴笠插秧苗青蛇上樹藤如活白鶴盤松葉似搖
尚記髫齡舊吟句相看老醜不堪描幹席間誦余七歲
滴在梧桐上高低各自吟

祥符寺看蠟梅

蠟梅開處一城忙盡向祥符踏曉霜疑是阿嬌愛金屋
知爲少婦喜流黃色如栗玉初含蕾形似鐘鈴小着行
不是山人常野服此花合配道家裝

十一月二十三日四子書香生

老病相兼得子徐寧馨捧出賀充閭歸來萬卷樓方落

並要書香似續書

題竹西樓

竹西歌吹是揚州此地如何亦善謳若問主人在何處
終朝不下竹西樓

丁未

春初至金山驛家丞李百川源招遊富樂山

富樂古來名勝地招遊最喜得家丞時無爭戰葢坤大
直上雲巒第五層

竹刺藤梢洞口迷攀崖亦復兵留題春酣亭下花如錦
却憶眉州唐子西山半有冷源洞
多宋人題名

落鳳坡謁龍鳳祠

危坡下踞氣如虎鹿頭忠氣白虹吐出城風雨何縱橫
士元墓在羅江浦先生早爲德公器冠冕南州名始普
穎川夙有知人鑒曾叩洪鐘伐雷鼓二千里往桑下談
預知欲得賢君輔劉備豈是田舍翁童童車蓋真人主
伏龍鳳雛士無雙竝駕齊驅竟誰伍璋也焉能死先生
幸有不幸矢如雨莫以成敗論英雄只須中計西川取
其時杯酒真相負魚水君臣無此侮至今松栢夜哀號
同一定軍山下土二公竝祠誠有哉當年應喚雙忠府

遊杜少陵草堂 并序

丁未五月二十七日方君文奎招遊少陵草堂
偕蔡君雪村子西池李君靜齋余君雲溪官君
漁舟崔君潤蒼弟愛堂及余九人携樂部泚浣
花溪泝流而上登草堂謁少陵祠周覽亭堂爲
前司臬杜公玉林新葺軒窓明秀特勝昔時晚
方君置酒於平橋上長幼襍坐繁音迭作客有
吹笛者許太保蘇州人作桓伊三弄崔官二君
倚橋而歌聲可遏雲顧而樂之客謂余曰獨可
無詩乎余曰詩當擇地非其地不可作是其地
尤不可妄作詩於草堂是其地矣然以少陵

之儼然如在而率爾吮毫獨不畏此老竊笑乎
然余與諸君薄負詩名卽焚此當楮以就正有
道抑亦今日之遊所不可少也諸君皆然余言
各作一首不拘格律雪村錦江老詩人今年七
十餘矣故推首唱次則余餘皆以次握管崔官
二君歌正酣不暇作作者七人須臾詩成編次
如左時有聶君崇基箕坐橋下獨不肯吟蓋從
余前論也諸君亦聽其意

久不見詩人相招謁詩祖拏舟浣花溪諸子候洲澣湖
流逐鷗飛驚此一聲櫓二客獨來遲衣裳翩翩楚楚

靜齋
荆菴

不覺楫林礙已至草堂處籬竹各干霄六月竟無暑清
吹和鳴琴無復計音譜平橋風微度幽徑花初吐脫帽
看青天猶漬夜來雨借問築亭誰其孫臬司補不必稽
苗裔安置固得所差勝王錄事惜費慳不許宦遊三十
年衣上半塵土借此滌凡襟更喜諸君伍詩成不敢出
謂我杜老觀蔡君老詞人坐吟氣如虎一笑謂吾輩竟
弄班門斧

大雨

今年秋較早霖雨竟如何暑氣深山少雷聲入夜多蛙
鳴如課讀鳩語似交呵最是關心事田中水沒禾

過趙國瑾山莊莊在馮家嘴山後君先人澹園先生亮任鄰水廣文與先君交好故訪之

頗聞趙子有山莊今日來拚醉一觴近水垂楊沽酒店

遠山慈竹讀書堂前言戲耳無非偃吾道窮與豈畏匡

時近山郭家溝多盜官為殲其巨魁故云五十年來彈指似傳家幸各有文章

章

醒園遣興二首

笑對青山曲未終倚樓閒看打魚翁歸來只在梨園坐
看破繁華總是空

生涯酷似李崆峒投老閒居杜鄠中習氣未除身尚健

自敲檀板諫歌僮

觀音巖

何年一聲雷霹靂劃開瀕洞山崩裂風暝雨晴天忽明

普陀飛來一片石我時展祠值仲冬藝香大士隨羣童

醉眼迷離失歸路錯認長江作卧龍

丁未除夕示龍出弟

得歸茅屋已三年別歲今宵樂事全賭奕不嫌輸弟墅

好音何惜賜歌田見古史趙世家醒園住久鄰相饋醉墨書成

姥訝顛獨有好梅清興在深防爆竹在林邊

戊申

贈孝泉延祥寺海上人

海師癖性喜粘禪
遍植名花自沃泉
淨室無非梅作供
生涯盡是菊爲田
行拖錫杖雖依佛
偶着綸巾却似仙
知我夜來魘僻靜
法堂深處許吾眠

買棧襪偷作詩自笑

裁花挿柳趁新年
雇得肩輿往孝泉
一夜偷兒全拔去
枉爲人出買棧錢

元宵

花燈豈肯到園林
絕小紅樓試一登
近水喜聞下河調
居山只挂上年燈
雨來花上兩三點
月在松梢七八層

老大徒傷豪興短
一杯到手已嘗騰

懷州阻雨

霖霖十日阻懷州
白浪如天打客舟
天欲惱人人不惱
小詩題遍翟家樓

遂寧縣

六月炎天雨似油
蓬溪山滑不勝愁
曉來聽得行人語
一路棉花過遂州

嚴署州至醒園二首

樂極轉成悲
蒼茫事未知
小懲思大戒
後覺悔前非
水落石方出
波平舟尚危
閑來心自檢
答亦欠仁慈

莫倚蕭何律須知原憲貧相逢胡太厄生受豈前因
銀鍊如山積隄防問水濱到頭風浪息方識釣臺人

漢州後營訪張雲谷邦伸親家西園四首

三年初握手百里話心期陶柳君栽矣張梨我試之長
鬚看客喜坦腹見翁遲無限目前事題來只皺眉
琉璃嵌作榻碧玉砌成池人比南軒靜園爲西蜀尚羣
稱小隱士自號大名醫畢竟詩難及聲名與我媿
書長無箇事相對只清談林下今添一園中徑又三將
書凭作枕讀書屢開函飯罷眠方覺爭棋客正酣
舊雨垣衣合新晴庭草幽蜻蜒入書案蛺蝶出經樓

養倩誰擲蕉心似我抽怪來君屋富數萬玉搔頭盆內玉簪

題劉將軍仕偉科頭松下照四首并序

仕偉梁山武進士乾隆十三年曾從威信公攻
金川殺賊奪碉經岳公保奏由守備擢叅將致
仕相見於成都年八十有三矣出照屬題爲書

四絕

昂藏古松下鬢鑠哉此翁秋風昨夜起劍戟憶空同
曾從大將軍殺賊陰山下至今番地兒不敢來牧馬
偏裨皆侯王李廣獨未用每當陰雨天猶覺箭瘢痛

手著三千卷曾藏十萬兵忽隨赤松子不聽鼓鼙聲

八月十七日由醒園移居南村舊宅

南村原是祖居堂何必平泉戀別庄清福由來神所忌
濁醪尚喜婦能藏展開萬卷樓初上酒掃三楹桂正香
不是雲龍山不好里仁爲美是吾鄉

初入大安山

一重峯更一重峯處處名山可託踪豆在釜中何太急
粟于舂內實難容步兵尚遇蘇門嘯叔朗還思鞏洛終
若待向平婚嫁畢枯筇應笑太龍鍾

浮山

萬點尖峯列眼前浮來海外是何年似經風浪湧平地
吹起雲巒墮別天遠望洛妃輕若霧澹描姑射貌如烟
博羅仙境曾身到又見凌霄一朵懸

小壩關中秋

生涯強半客他州何處鄉風不可留地入大安雲滿嶺
天開小壩月當頭賽祠戲散臺仍在打稻人忙市早收
村餅山梨聊過節一年難過是中秋

藥壺洞

洞裏納乾坤壺中藏日月不見藥朱顏但見人白髮

山家權

門前十字水問是山家權橙栽一畝陰田獲千倉稼過
橋聚魚驚穿柳溪鳥罵日暮雨又來喚渡立河下

九龍山觀鐵鐘鐵爐二首 并序

鐵鐘鐵爐皆明崇正大學士邑人劉宇亮及兄
宇揚字烈所鑄也至今北街石坊尚存書首輔
請纓四字卽十七年五十相之一人也

誰把當年九州鐵鑄成一錯悔無從滿天星寇何曾滅
空使山魃拜夜鐘

五十人中此其一當年昆弟亦何愚佛經莫笑城頭挂
又見劉家鑄鐵爐 挂佛經楊嗣昌事

娑羅樹行

娑羅樹在祥符寺兩株相傳三百年錯節經創虎眼活
鐵幹掣空龍爪拳我聞此木產西域惡禽不棲好鳥集
佛祖當年此涅槃胡僧一見攀條泣不知震且來何時
永康元年根始移顯安寺中忽一樹隨發隨生人始奇
如何此地留華蓋竟有枝柯塞廟大鋪地猶流竺國雲
參天遠映扶桑靄得非安西狀進初正逢北海泐碑書
撐空似有鬼神護夜響常如風雨餘旁有四字大如斗
擘窠云出三丰手但見仙書不見人何如此樹終不朽
我有狂言向樹宣不願成佛不願仙但願我壽君一樣

童山詩集 卷二十六
九
屢經雷火仍無恙

謁諸葛雙忠祠

武侯三世爲劉死陳壽私懷髡父讐如此雙忠猶曲筆
又將何罪問譙周

寒露

自怪年來作事差流光荏苒尚天涯樹經寒露都無葉
菊過重陽未有花稚子圍爐燒白果鄰翁提筥餉黃瓜
漫言古寺今牢落客在僧房勝在家

再登九龍山時西藏用兵

羔袖龍鍾又欲行蹇驢隨我上崢嶸只求俯仰心無忤

何怯高低路不平畫戟森嚴秋月冷羽書絡繹夜星明
聖恩敢戀山林樂北闕明年誓請纓

妙相院 贈張三

一灣流水小橋西妙相禪林大字題落葉盈堦僧不見
野花滿徑鳥爭啼乾坤容我聊龜息日月催人老馬蹄
獨有張三能御李蹲鴟餉客味如雞

遇寶圖山和尚廣亨

寶圖山色照江油曾憶當年四月遊山到窮時花引路
石將墜處樹橫溝人愁鐵索橋將斷僧說銀鈎字尚迺
峯有先君題莫怪藏經慵不上年來脚力怯登樓
詩僧能背誦

紅菊

菊本中央色其紅乃間之人因嫌淡泊天故染胭脂似
火全垂砌如燒半倒籬黃花雖欲謝向日總如葵

二李歌

潘兄維弟皆綿竹人有文名藩中丙子第一維
中壬午第三皆作廣文與余少同試者年老俱
健相晤於大乘寺酒酣爲作二李歌李華亦綿
竹孝廉人稱小李

綿竹二李皆奇男少者豐頤大者髯髯交百戰皆第一
少雖脫解名猶三君年正壯我方稚步趨往往同風簷

鶴立雞羣慚鼎足兩看落筆如春蠶微官教授歸故里
劍外爭傳吾道南別來倏忽三十載夢或見之無由覘
我雖拚雲叫閭闔能言鸚鵡常遭籍文彩繽紛非不美
羽毛剪落何甦甦每懷二友吾所畏始悔我傲而君謙
自知骨鯁不合俗乞得骸骨歸閭閻今秋忽動山水興
二峩三峽恣幽探匡山讀書近弔李支機問卜遙尋巖
相如爐邊笑續鼻杜甫瀼東歌長鏡形骸放浪百不顧
所惜杯酒無同酣昨日江邊逢小李相驚鬢白田間談
自言富貴非吾願惟有麴蘖平生耽聞訊二李俱矍鑠
老學農圃常腰鎌遙指村東樹深處四圍翠竹其茅菴

我聞此言爲小駐大勝縱送紅塵銜豈不眷戀家園適
萬事愁攢心如簦室邇人遐思不見坐令險韻通宵拈
人情
人情翻覆幾時平滄海連年日變更漸覺頭顱催我老
空將肝膽向人傾昌黎命蹇遭磨蝎太白仙遊欲跨鯨
五嶽三山如歷遍烟宵倘有鶴來迎

道途

道途負戴誰能免飽煖其如肉食難未老皮膚憐馬齒
累人口腹尚豬肝風能醒酒來吹面日爲高眠漸過竿
世態一般多冷熱算來只有自加餐

贈馬孝廉

雜穎

馬子翩翩清且揚幕天席地共銜觴曾聽書榻三更雨
已閱禪林十載霜洗盞勸嘗紅麴酒圍爐重話白雲堂
年來老病難禁醉不到雞鳴睡不香

祥符寺讀明胡濙詩碑因和其韻

并序

寺殿之東有明嘉靖九年王汝賓刻禮部尚書
胡濙成化四年訪張三丰詩碑云交情久已念
離羣獨向山中禮白雲龍送雨來留客任鹿啣
花至與僧分踈星出竹昏時見流水鳴渠靜夜
聞却憶故人從此隱題詩誰似鮑參軍考明紀

永樂五年丁亥命戶科給事中胡濙携道士巡遊天下訪張三丰去十年始還或曰為踪跡建文君也碑作成化四年及禮部尚書皆謬

胡公詩思實超羣望氣誰知為紫雲不向吳都瞻日色應從蜀地識星分大師去後神呵護道士來時鬼哭聞永樂何人誤成化寫碑空笑張翥吾軍

衲子歌

三教院中逢衲子百結衣如桑椹紫不談孔孟不談仙安知達祖東來指瓜皮帽子足不履問禪點頭而已矣輩不茹來酒却喜醉到月明呼不起此意只恐無人知

知者問諸水哉水

羅孝廉大璋邀余與海師飲三义店問有詩無作此答之

三义茅店有詩無一幅元章水墨圖野渡人呼漁父艇山橋客坐酒家爐時邀支遁同尋寺偶遇公榮亦共酌八蜡賽完秋社散醉來我亦要人扶

食芋贈陳君章

栽樹多栽柳可作析薪具種蔬多種芋可作凶年備岷山多蹲鴟陳家專其利十畝白沙乾萬葉青枝翠携鋤斲待客撥火煨相饋氣作龍涎香色過牛乳膩我老齒

欲搖咀嚼慚牛飼惟有玉糝羹不觸諸牙恚書此以致
謝橫斜不成字

五色菊

菊色不能五皆由人爲之斲艾本非類並栽向東籬邪
正雖難容脉理或相宜刀劊艾之半削挿所貼枝束縛
使相交暗長復潛滋久而與之一遂不辨面皮飄洒玉
露中失其清瘦姿紫赤黃白花肥大如秋葵豈知非本
性猶彼素化緇陶潛過不採屈平辭不搗問誰使之然
陰長陽亦隨臨風生感喟此理可書惟交惡如鮑肆交
善如蘭芝君子慎所交毋與小人比所以子墨子垂戒

泣染絲

輓劉一飛先生

惟我劉夫子當今第一流大才屈庠序小隱見謀猷幼
荷栽培篤威寬夏楚收勾餘山水窟名士陸潘儔萬里
扁舟共三年幕府留從茲飛翰苑盡是出蒙求何意衰
歸里旋聞病不瘳東修何處獻涕泗逆雙眸



童山詩集卷二十七

綿州李調元雨村

已酉

正月十四日至成都是夜觀燈

試燈節屆漸聞聲次第鰲山壓錦城十字樓頭星共燦
萬家門口月初明管絃奏處鶯吭滑簾箔鈎時翠黛橫
老病連年游興淺銜杯誰與話衰情

元宵

燈遇元宵儘力張暗塵滾滾逐人忙燭天火樹三千界
照地銀花十二行寶馬長嘶成隊醉油車細碾遍街香



誰知月到團圓夜早已微銷一線光

十六日夜再觀燈

明月留君君漫猜殘燈尚可酌金壘龍經燒尾猶蟠舞
馬爲抽心却倒回玉漏頻催門漸掩金吾收禁戶長開
倚欄聽得游人說明歲還邀舊伴來

同慶閣

卽古迴瀾塔

同慶閣雖改迴瀾塔尚傳窻含西嶺雪門泊下江船竹
嘯疑簫吹桃開似火然却憐清淨地登眺百憂煎

成都贈錦江掌教同年姜儀部

錫嘏時携子自課

相驚兩鬢雪交加同在林泉各一涯半世辛勤爲舐犢

何年反哺學慈鷄未同李白三杯酒先吃盧仝七椀茶
何必江頭看春色錦城桃李屬君家

寒食出城

出自城北門踏青人滿路處處紙錢飛烏鴉啼上樹雲
龍山下我先塋遙憶兒孫奠酒羹只有龍鍾老不肯浪
遊耽誤兩清明

望瑩華山

路過火燒堰瑩華咫尺間登天應不遠雲鎖萬重山

法藏寺

寺爲自牛和尚道場

踏盡叢塵喚奈何息肩誓欲問維摩只今仙境奈人少

自古各山蜀地多貯藏樓高因燹廢覆碑亭圯賴神呵
白牛故址應無恙更擬追尋上綠蘿

有叟

有叟怪局戶攜尊前致詞聞君寡同儔引滿斟酌之涉
險毋自訝波定毋復疑貴賤各安分通塞聽所宜倘令
巧與詐何如拙並癡感謝芳鄰言且拜且相規今世戒
直言此言何其危

五月初一日同墨莊遊醒園

久不到醒園三徑荒都遍低頭碍花枝每被蛛絲罥池
作十字裂草深魚不見醱醱架未支縱橫草間串蘭花

真幽獨細葉乾如線翻讓滋蘭圖畫出轉蔥蒨蓬蒿爭
雄長荆棘來相唁垣頽蹊爲塞石崩山亦怨拌足虺蛇
蟠衝路鳥獸竄破窻風颼颼古屋月艷艷借問此胡然
課督失勸諫畦人事西疇新田十雙佃專力及我私于
公遂失盼今朝花木喜幸識主人面伯仲兩老翁相携
邀乃眷旣來必有詩吟成試聽念何人具雞黍日暮舉
酒燕吾家有阿興烹炮能亦擅老子興不淺一醉目如
眩回頭謂園可誠之莫吾慢

述懷三首

鳳鳴必高岡鴻翔必寥廓當爲上流人肯歸天下惡旣

與時事左難負夙昔約所以童山子欣然學行脚入則
百尺樓出則千里屨

吾弟有奇興勃發遊峩想要登萬仞峯卧看孤月上知
余寡所諧塵累增慨慷為言千里雪頓覺煩胸爽倘令
君不借吾意亦獨往

豈無習家池芻蕘踐野老豈少鄴侯架繙閱費幽討富
貴等浮雲得友乃為寶石臣我所師豈祇平生好此杖
不同持轉眼元髮縞

答張林川 懷泗

萬里火雲燒益州問余何事作峩遊飽聞頂積千秋雪

已備行囊六月裘勇氣雖慙搏猛虎狂心竟欲逐猿猴
洞天福地吾川勝舍此安論十二洲

晴

長夏烟村暑倍蒸好風漸覺早涼增蕉窻昨夜蕭蕭雨
柳港今朝處處昏喚婦枝頭遙聽鶉呼朋案上早來蠅

一枰棋罷渾無事隱几西軒自曲肱三四本作大江昨

朝便有昏後改此句雲谷質于廣漢牧徐芷塘先生曰
大江句工整不若蕉窻句丰韻遂定雲谷和云一棧晚
烟橫牧笛半灣新月落漁翁林川和云僧
歸野寺釘頭履人立遙村渡口曾俱上

宋老人種花歌

宋老人年七十五抱瓶矻矻自澆圃素髮飄蕭百事忘

胸中只貯羣芳譜問翁底事老貪花爲言作此遣年華
回指房湖好風月數椽茆屋是吾家花不由天由我主
不許趨時要趨古六銖衣倩月娥裁五色石遣媧皇補
蟠屈瓊瓏隨手成龍拏鳳翥蛟螭爭君看白摧黑人處
却有花枝背後橫每屆春秋二分日老夫杜門不出月
可憐花犯驛馬星東移西栽不得俟聞君此言爲悄然
家有醒園未得還松菊無存垣就毀看翁真是地行仙
老人愛花兼愛客醉飲一斗復一石他日峩眉歸去來
重訪誅茅宋玉宅

紫葡萄

居然綠珠子誰道是葡萄馬乳千枝滴龍鬚百尺高摘
來全酒味大勝出家醪多謝分甘意嘗新到我曹

訪林川不遇

林川雲谷姪口吃人呼期期家金雁橋東屋數
間而已余嘗訪之不值見其弟雨山懷溥題其

壁云

豆花深處別開門中有幽人日樂園讀盡草堂黏壁句
周昌不見與誰論

攜尊魯醉竹林間小阮偕行日往還風雨茅廬人不見
蓬蒿滿徑桔槔閒

廣文陳夢亭 浩 黃漢南 步青 袁大 雲章 彭大 家權

及家弟 超 皆墨莊 鼎元 同年 夢亭望縣令饒武侯祠

有人才百里共此舉千觴要算同年會依然少日狂風

翻荷自舞雨打竹俱香向晚蟬聲報斜陽已下墻

陳夢亭携酒再遊草堂

何處可携尊惟有草堂寺清晨赴宿諾諸子連翩至暴

雨忽凍凍簑笠不暇備入門問梵安誰識周君治細徑

墮幽篁屈曲得佳致遺像在中堂瞻謁巖巖二一為何

氏勒刊本家藏秘一碑鐫差小乃出丁制置 宋制置丁

初元兵趨成都舖戰于石筍街而更有數豐碣落筆龍

沒蜀人鐫像祀此今多認為杜公

蛇避泛草唐人詩別眩符篆字三丰與山峯未可究同

異 碑款以張三 與杜風馬牛亦復思附翼坐令白髮僧

登登日擣種便有數衲子踉蹌安食器陳平信可人能

宰即能吏咳唾詫風雲咄嗟辨殺截令嚴徵事忙真搜

到腹筍簷滴漏無聲亦各酪酣醉人生參與商掉背即

異地即今星聚五豈保沙散四何以寫雲烟火速以詩

記杜老不云乎文章千古事

艾鵬九惠眼鏡

筵令手生涼鏡令目生光閨五出門後二物常携將筵

雖不離手偶失亦無傷鏡若不在日遂覺兩目盲豈真

宣山詩集 卷二十一
為鏡盲而視早茫茫有則細字過無則廢參詳我有水
精鏡產自西海洋巧匠琢磨成日月來雙睚昨朝出錦
城偶失青石坊失鏡如失目遍求為徬徨刻舟記舊痕
健步走踉蹌日中期不至武陽聊停航艾子城之南命
駕為此忙知我目失恃有如唇齒亡出其癡叔儲倒贈
傾筍囊兩目忽開朗讀書聲琅琅不足乃求助此理老
漸嘗髮已霜雪侵牙又嚼咀妨目有鏡可明牙髮將誰
商况髮身外物所值寧相當書此以謝君筮鏡俱可忘

青神舟中 與墨莊同作

青神繞郭盡桑枝喚作蠶神未必非少婦賣棉城裏夫

老發糶米市中歸

三崑雲氣聞僧說五渡風聲動客愁昨夜板橋溪下泊
孤燈同話酒家樓

自題荔支圖

昔年曾到臨邛署只見荔支不見樹雨葉風枝出小籠
紅羅白玉留新句一生飽識嶺南姝不及嘉州色味殊
六樹垂垂江岸發孤舟寫出荔支圖

凌雲寺

清江一筏濟中流直到凌雲最上頭三水奔騰城外合
九峯排立縣前收信為西蜀最奇處獨上東城載酒樓

尚有興高成悵望芒屨咫尺隔烏尤

望烏尤

嘉州城外雨油油短筏中流穩似舟三日平羌江上別

回頭猶自見烏尤

自嘉定至峩眉道中作

暫謝籃輿試竹筴浮瓢渡口浪酒消此生只合名山老

着破棕鞋又草鞋草鞋渡在嘉州四十里

水驛江城日日過雲峯高處見二三峩荻坪山下平如掌

一路人家白蠟多峩眉縣產白蠟彌望皆蠟樹立夏後從建昌買蠟中融種用桐油葉裏置樹

上半月其蟲化出延緣枝上身上生白衣漸厚即白蠟也其為利甚百

露葉飜飜翠剡齊壩田人喚小川西何方擊鼓朝山客

驚斷秧鷄不敢啼

遍尋智度問偷伽不見繡經白馬駝自入華嚴峯下過

鸚哥亦解念彌陀

平日功名浪自期頭顱至此臨方遲一肩燈草人擔過

却憶書窗夜課時峩眉產燈心草

古寺蟬聲噪夕陽縣橋燈火一程忙前驅負弩渾嘗慣

我已心如在佛堂

陰連百畝引橫枝嘉樹還須移未省江陽有黃葛

當年却笑子由詩

題靜齋弟峩山卧遊草

眉山何處問蒼穹雲雨迷離三嶺東
怪道卧遊山不上峩陰終日撲簾櫳

聖積寺

纜登十里盡雲峯夾路蒼蒼半是松
銀色變為金色界千金佛塔萬金鐘

伏虎寺

欲問峩山面目真峯橫如虎伏嶙峋
老僧留客前樓宿卧看天邊月一輪

懷蔣太史虎臣

彈指三生悟夙因木天我亦過來人
能從大海翻身出只有蘓州蔣虎臣

玉女峯

峯前石壁上有
仙刻詩字甚劣

玉女娟娟窈窕姿翠微高處有天池
憑僧夸似銀河水難洗徐凝瀑布詩

中峯寺

乾明舊觀滿蒿萊果老當時射蟒開
要問荆南神水事青山曾見鉢飛回

廣福寺

芊綿草樹脣高臺陡見羣峯四面開
夾道拂烟皆五倍

怪多蟻子趨人來蜀語文蛤即五倍子蟲生卵拂烟樹中有細蟲無數飛而嚙人甚痒名蟻子蟻音莫俗呼蟻蚊凡采五倍子蟲未出時取蒸蟲死方滿而可用如遲蟲已出無味矣

雙飛橋

飛閣臨空跨彩虹
琤瑩激玉叶松風
道人倚杖巖邊立
長見雙龍戲水中

清音閣

寒凜瀆薄日喧
脰白晝濤聲怒若雷
我欲暫求僧榻臥
忽驚風雨四山來

牛心寺

水作符文交黑白
嶺迷雲色失東西
力疲不到牛心寺

開倚僧寮看石溪

金龍菴

縱檜參天古德林
霜皮黛色翠森森
不知深洞何年塞
陰雨時聞龍一吟

萬年寺

即白水寺唐李白聽廣濬彈琴處有詩

白水池中龍作雨
青峯頂上虎從風
彈琴衲子今何在
萬壑松濤一夜中

慈聖菴

明萬歷間勅建有慈聖肅皇后勅賜十八羅漢袈裟並耳環鐘存菴內

一株溜雨老杉樹
幾個號風半朽松
莫笑茆菴如笠小
當中明祖有真容

明太祖真容

在慈聖菴余辛丑年六月六日在南薰殿曾觀晒帝王圖真大內像也

龍顏七十二黑子

南薰曾仰帝王圖如何火炬鳳陽

後又見人間畫鼎湖

賦得山中半晴半雨時四首

與楊玉泉同作

山中半雨半晴時澗水分流細入池四面白雲如絮帽
不知何處望峨眉

底事三竿睡起遲山中半雨半晴時芭蕉不住瀟瀟滴

贏得僧樓一局棋

白龍疑向雲頭挂模糊寫出米家畫山中半雨半晴時

支起東窗同客話

芒鞋準擬踏嶽崎久住真成老住持試問我峯何處好

山中半雨半晴時

觀心坡

曉風吹我入虹霓灌木叢篁咫尺迷誰道天階升不得

我山處處是雲梯

鑽天坡

萬磴高蟠蛇倒退一峯巉嶮雁飛回却歸下界君當敬

我是從天鑽過來

白雲殿

殿楣簫雨飛如絮洞口翦然出似綿底事闌門籠入袖

他時擬作撻雲篇

雷洞坪

懸厓奇石鬪猙獰老樹蟠拏莫與爭怪底空山聲隱隱
七十二洞盡雷坪

天門

碧翁翁色漸能捫但覺蒼蒼氣可吞喚作天仙君不信
今朝真箇上天門

金殿

祈福王孫內府空週遭盡是滲金銅老僧不識山河改
猶指樞圖說故宮

樞陰鐫明太監奉勅人蜀進香圖

峩頂二首

巍巍一氣接鴻濛呼吸遙連帝座通却看雲堆平地上
始知身在半天中一輪光暈圓如日萬點燈明不礙風
六月重裘非詫事總因漸入廣寒宮
拾級登天路又分混芒渾不辨氤氲人言峩頂真如月
我見峩眉盡是雲四壁銀光千古雪兩廊銅碣萬年文
昨宵風雨何方降夜半龍歸隔寺聞

白龍池

龍子蟠拏澗水中噓雲一線接溟濛何方香客偷龍子
半路風雷忽起空

接引殿僧思泉求詩

仙女五十三步長老人十四盤偶同思泉小語不知身在雲端

菩提果懸頂上普賢榮捧頭陀暫借僧寮一飯讀盡半部楞伽

新繁道中

益州萬里正炎天遊子還家書一肩忽見前村來驟雨稻花風裏過繁田

新繁南關三會院石佛新自土中掘出有蕭梁年號周文明乞詩爲題一絕

我遊三會逢周老爲言佛起自蕭梁捨身同泰當同日應見臺城索蜜嘗

爲海明和尚題一笠亭

海上一僧來見我先一揖雪鬢霜髭眉叉手道旁立問君何所攜藿筍鹽豆汁知我峩山來曾拾天門級兩袖猶攜雲雙鞋尚沾濕誤謂赤松張不知穢史習自言有蘭若叢林近彭邑邇於梵宮左小亭別誅葺山形如笠形乞名賜新什我聞暉禪師棕笠岩中拾又聞釋利登蓬笠種田隰他時亭若成便名曰一笠

遊丹景山用楊升菴韻贈圓密大師

又着芒鞋踏翠微峯巒高處欵禪扉不知瀑布何方響
但覺飛泉亂撲衣天入雙門雲蕩蕩山連九隴雨霏霏
盤陀石上一回眺始信人間此景稀

贈張老人

老人八十四日走五百里飛行人不聞來往白雲裏

離堆

一自金隄鑿三都水則分犀沉秦太守蛟避趙將軍萬
戶饒秔稻千秋薦苾芬役夫千二百誰繼武侯勲

伏龍觀謁范長生祠

丹闕琳宮壓碧峯珥貂道士尚遺容任君萬石施諸李

不及千秋伏毒龍

遊青城山

昨日辭丹景今朝登青城名山遊旣遍漸覺芒鞋輕飄
飄從東來恍若御風行舉衣凌青霄丈人遠相迎遂至
軒轅臺古洞聲泠泠云昔張道陵煉性門常扃人騎黃
鶴去空留芝草青至今六時水猶刻符篆銘咄哉試劍
石想見驅風霆離立何年劈尚使魑魅驚邪氛世豈罕
何必皆山精我欲持此劍盡掃諸有憑區區甯與范枯
坐求長生冲飛竟何益要皆歸杳冥苒蒲果可服吾欲
誅九莖

訪唐昌書院山長米曉亭錦余癸未同年進士也由安樂令罷歸又十年矣

十年不見老髯翁君在江西我在東金馬碧雞坊未到唐昌先訪米南宮

張家礪

七月之交雨茅亭酒獨嘗一林橙葉暗十里豆花香年老詩偏澁泥多路轉長只因心上火添得鬢邊霜

軍屯阻雨偶畫墨梅酒家壁上

新都本是升菴里不為栖栖亦應遊小雨軍屯成暫駐墨梅畫滿酒家樓

酬張雲谷

邦仲

遊山經過再停轍絲管攜來不勝喧萬頃良田堆稻穗三千食客盡梨園奔馳休羨雲籠袖高卧何如月上垣體胖固宜藏潤屋輪君著述萬餘言

酬黃望亭

今偉

官舍已歸鄭虔馬著作高於李白墳三峽源流驚爾瀉一旗壁立張吾軍句如河漢言堪恟舌似雷霆思不羣見贈有簪笏滿門三學士雷霆貫耳一將軍之句斗酒連宵煩過話只慙見面不如聞

酬張林川時管軍需局讀書倉中余訪之以新作

義犬記質于余時將進京赴選

宗魯文章錦不如胸中別有智珠儲郵傳驛裏閒敲句
輪粟倉中自讀書義犬識家因戀主隻鷄過訪為憐余
只愁貢禹彈冠去林下何從覓鯉魚

開元寺贈慧眼長老

看山看水何時了奔北奔南不若休
却身前風尋慧眼自憐霜雪半盈頭
一窻桂影新留月滿院松聲正送秋
記取去年曾到此開元讀遍藏經樓

哭陳蘊山一百韻

嗟余寡所諧四海一蘊山結交三十年豁達傾心肝久

要金石固何期溝壑填暮雲一朝斷愁風千里寒憶昔
已卯歲石室借文壇見君子錦江意氣何騰騫才大屈
小就副車誤中韓我輩愧登科君適肄成均敢屈弟子
列聊作忘年論癸未讀中秘君亦宰固安相距不百里
相思卽跨鞍劉天李漱姜錫張嵩孟邵皆川之所賢每
於酒酣後議論灑江濤能為青白眼不作怛怛顏遇物
苟不平大呼助必殫我時服初闕補官如積薪借責孰
傳別周急同及門蛟龍得池水遂起涸轍鱗再墜考功
司持衡南海漚歸裝未改傲觀察潞河濱此皆君之助
愧我非其人而君方艱居誰為匡寡聞鴛本不任重鶴

豈可乘軒一蹶雖復振再起遭前冤愆尤固自取媒孽
復多端 天威殆不測罪重實負 恩君實我僚屬急
難如在原晏子解驂乘徐晦送藍田馳驅百身贖乃免
竄極邊核簡部吏迫代完三千緩函海刊未成代償三
百緡此又君之力休戚抱痼瘵苟非鮑叔知此身安得
還魯憶乙巳春歸程渾河干君方邀新寵行水邁絲堙
留我桃花汎百口叨盤餐苦勸服官政竟欲謀灰然予
曰且歸歟尚可供粥餽子稚失教久况有高堂萱君亦
捧腹笑謂我言爲然坐指四兒女婚嫁遞朱陳明珠雙
白碧翡翠金花鈿堂前宴賓客簾內羅嬋娟麗姪陳百

戲鼓樂喧四筵方卜飲晝夜肯顧年華顛明知各桑榆
欲言聲復吞晚當宅相近兒當早完姻誰知卽死別回
首黯傷魂猶憶去年書灑灑千餘言先言西藏動騷驛
羽書繁曷不事遠遊里居良獨艱浮江探名勝倡和皆
雲淵輾轉至京華楊將爲子戀再言 陛下聖側席方
廣延况際無疆日 天子萬萬年嵩呼搖山岳經壇踵
聯駢公卿舊屬目薦引豈無緣棄瑕或重錄可還本分
官其言甚迂遠其意良篤敦翻覆百遍讀冷屋爲之溫
老妻喜不寐便爲檢行纏侍妾冀相攜粉面爭光鮮稚
子舞破瓮繞膝相衣牽厠養皆直人相慶整歸鞵其時

歲正臘闔戶皆歡闐蹠未卽行又遭訟事連遲遲春
徂夏始得脫拘攣正擬戒行李相晤曝書前豈期道聞
訃頓屆遊戡旋雲谷口中說芷塘坐上宣坐令一夕淚
化爲萬頃泉驟聞悲且詫旣久疑未真君年未衰耄霜
鬢初侵根食肉兼人量酌酒不計尊君才老益練勤極
彌精神豈有筋骨壯而受風霜患叶漸聞信益確始覺
憂心帽予幼初總角塗鴉字未全弱女得賢助女工猶
欠便自君瞑日後提攜孰爲憐知君無餘財清白貽子
孫南部去永定道里半鵬搏歸定知不易誰爲贈贖錢
以此心如割痛苦劍鏗攢出愁入亦愁行止俱兩難嗟

君忽竟逝君實全蜀冠

朝廷重河防屏風名早箋超

擢必總河榜樣前有蘭

第

云何不稍留奄爾爲長眠嗟

余雖林下敢忘夙昔誥感恩與知己要歸

聖明君豈

無安石志日暮途遠里長如劫盜老婦倚門看誓欲
傾家貲仗君如仗天云何不稍待遽隕若墮垣嗟君今
逝矣余復何賴焉子旣不克肖鄰亦多藏奸悔尤少佛
懺駐顏無仙丹卒爲鄉人老空有虛名傳臨風北望哭
哭罷天爲昏

中秋風雨示龍山

人事今年又不同一盤梨栗對衰翁已嫌月暗何當雨

早覺秋涼况又風菊爲問年開早蕊桂因子夜落殘叢
隔籬呼取墻頭濁更與龍山一再中

九月初八日鳧塘自粵東回里宴集補過亭

憶弟正遙望欣聞返故鄉貌仍菊花瘦衣尚桂林香名
刺磨千紙空囊剩一箱晚來看行卷猶語總難詳

贈晉熙山長何鰲峯

登榜

鰲峯曾向鰲頭占眼底無人我一人自把一心歸白足
不將兩腳踏紅塵書聲夜起祥符滿字法晨摹淳化勻
自古詩推何水部其如君倦恐勞神

鰲峯有詩苦亦勞神之語故云

安縣張明府薌圃

仲

招遊大安山憇九峯精舍同

山長顧鱗門弟壘莊以安州名山四字分韻得名字
皂蓋招遊餞宿盟背城凹處九峯橫人多蠻語難通姓
山近鴻荒不問名魚解叅禪池裏定鳥諸奏樂竹間鳴
年來詩思慙才盡甘讓諸公句早成

謁岳武穆祠觀送張魏公北伐詩碑

獄成三字後又讀五言詩不意西川土猶留北伐碑鐵
人應例跪玉馬尚聞嘶莫問中原事冤禽萬古悲

題綿竹少尉姚愚谷尊人靜巖先生遺照

王子猷愛竹陶淵明愛菊不謂千載後此菊繼芳躅採
菊便攜酒愛竹寧無肉嘯傲琴書間悠然俯仰足貌如

南極仙心似西方佛三霄何時迎四大本無物積德固
宜昌兒孫滿庭玉種樹即種人不信看愚谷

題少尉姚愚谷讀書秋樹根圖

蘊藉人如平遠山梧桐葉落滿書間秋行常帶鷓鴣杓
不許丹楓占醉顏

宦遊風鬢愛錢塘師友年來夢杳茫今日把君桑落酒

梅東市脯說家鄉賣家鄉肉

贈伏虎寺源明上人

伏虎禪林深又深一卷地膽與天心老僧不管繁華事
撈起東窻聽鳥鳴

白山茶

園小纔如斗枝繁粲若銀含苞中夏日拆朶小陽壽寇
脫瓠初剪瓠音胡犀齒乍勻漫言殷未久也勝百花新

祥符寺題壁

冬至陽生尚異鄉小童絡繹寄裘裳昨宵夢醒寒浸脚
却倩湯婆熨冷床

巨賴祥符矮老僧時時催我寫黃庭院中多少閒欄楯
不許攜家借桂亭

贈綿竹裕明府容齋德

神交十載早知名科第英年冠帝京父母南軒夫子

里官聲直似月波清

綿竹山高繞縣衙風流管領蜀山茶前身潘岳君應是
贏得河陽一縣花

送鳧塘回京省母

只因京有母翻似返家時弟自官途貴兄將老漸衰三
都皇甫序六首夏侯詩不為門閭望墳笮肯暫離

雲谷送崇寧楊梅六株種於家

崇寧珍果不殊鄞塔子山前鬪數根惠我分栽應有意
諸楊合遣任南村東坡詩南村諸楊北村盧余居南村故云

冬日

殘冬無復事遊輪為近暄窻啓戶頻只把奇書消短晷
更無俗客惱佳辰狸奴碧眼鍼懸午獅子紅茸毯睡巾
不是茅簷貪向日從來曝背獻明君

冬夜

小齋兀坐擁書城長夜如年筆硯橫早兔撥雲驚已上
寒雞驚漏詫先鳴鐵衾也學人情冷燈燼偏于吾道明
不是避人人避我三冬文史足平生

己酉除夕

家人何事慶宜其為我樓居榻又移農說占星徵穀賤
兒喧壓歲擇錢遲時有擇錢之禁今年醉到明年醒老者難隨

少者嬉忽憶武昌遠遊客不同卮酒樂怡怡

墨莊時遊楚

却檢生衣祀祖先合家歡慶拜庭前小名猶記高堂喚

大字難書帖柱聯裘已無毛空豹鞞齒皆依序似蟬聯

病軀懶放除妖爆只把龜蛇鎮宅懸

童山詩集卷二十八

綿州李調元雨村

庚戌

元日試筆

玉簫金管鼓喧闐不覺春光又一年寸歲兒童慵未起
賀新賓客早來前幾盆長樂迎風麗一樹梅花妬雪妍
我有知交在書內開編無數古名賢

黃楊花 并序

世謂黃楊無花而宋朱長文百幹黃楊詩有春
餘花淡薄句則古亦有之初五日至曹氏妹家

見庭前黃楊開花色淡黃如桂蕊而清香可入
或云樹之壽者始作花吾妹伶仃寡居三十年
天道無知孑然斬祀形單影隻內顧泯然而霜
鬢雖斑精神獨健意者天厭曹氏而憐吾妹故
嗇其嗣而豐其年乎則是花未必非吾妹壽之
徵也因作詩預祝

曹氏黃楊樹侏儒歷有年一生常厄閨萬蕊忽爭妍粟
小枝枝綻香交葉葉連當年曾手植今日對華顛顛顛
形何瘦伶仃影可憐澤徒悲五世教尚憶二遷妹有子
宗聖其
慧親課讀書
未幾殤遂絕有種偏難樹無知欲問天此花何自苦結

子却芬然不滅 菖蒲瑞堪偕萸萸編定應徵壽德特出
表貞堅似桂月中落如棉雪裏鮮同根傷獨蹇錯節必
長綿春酒時方介風姿晚欲仙老兄無別贊藉祝栢舟
賢

長樂花并序

長樂花本名紫華見晉傅元賦序云紫花一名
長樂生於蜀其東界特饒唐蘇頲長樂花賦序
云蜀太守庭際有紫華草吏或告余曰此長虞
所賦蜀長樂花也明何宇度益部談資長樂枝
葉皆如虎耳草秋後叢生益益間開紫色小花

冬末轉盛鮮麗可愛居人獻歲以此爲餽名曰
時花按卽今蜀人所呼年景花也以應新年之
景故云
時序有新故愁心無適遐如何隱憂日偏開長樂花嬌
姿禁雨怯醉態舞風斜瀟灑從今始無須詠猗嗟

寄蜀中四仙尉

四仙尉一彭縣盛世綺竹厂秀水人善篆隸一
綿竹尉姚淳愚谷錢塘人善楷書一彰明尉周
琦大可大興人善草書一峩眉尉李源子靜通
州人工詩

蜀中四仙尉盛姚周與李彭州工篆隸敦彝辨戊巳晉
熙善楷行蘇黃亂真似昌明好草書拈筆用兩指三子
以書名一掃踏千紙而獨峩眉翁抱膝吟不已家在田
盤東遠宦平羌泚忽見峩眉月自號卧雲子四仙皆酒
人白眼看凡俚而於老農中獨於我乎喜自遊名山還
相思隔烟水夜夢輒見之可惜道千里傲吏囊苦貧好
客壘每恥何人爲薦拔治中資佐理因風爲寄聲吾亦
漸老矣

元宵

月華如水夜如冰又見家家火樹增古畫四圍聊對酒

濃油一盞當張燈寶糖烏膩從兒啖疊鼓投瓊讓客能
却憶去年奔命日錦城絲管正喧騰

洪雅副榜張澄見顧言欲訪唐五奉贈

家居常少歡慵卧遂成懶有客叩柴扉卯酒忽驚散傳
自洪州來涉險路非坦執贄迎前庭降揖禮應館觀其
貌清癯短小乃精悍與論天下事腹如不平滿自言惟
誤中安用卽墨管誓將遺劍臭一洩平生懣知君多慨
慷求爲撫翼卯言罷氣益豪且與飲食衍季布豈不能
所愧囊橐罕唐衢居未遙或可借籌算君謀必可成吾
非學媒但驟領色頓變俯思神乃緩長嘯出門去山林

皆導窾

寄鰲峯

昨日雙騎至相邀萬卷樓詩牌君父子書庫我公侯宅
笑南村小家羞北轍謀今朝憑小宋好爲一持籌即宋通

鰲峯至醒園不作詩旣去戲作長句

鰲峯父子皆竒妙雲龍山頭三日眺自言出句必驚人
今朝竟被醒園笑酒酣更上一層樓詩成嘯傲凌滄洲
高興欲騎雲表鶴忘機驚起沙邊鷗薄暮歸來寒色緊
猶向農家求酒飲不知三竿日上簷誤認四更月來枕
一自辭歸射水濱江天寂寞又連旬再來如訪武陵路

童山詩集

卷二十八

四

只恐桃源不見人

過姻家唐華國之藩小園

春日探親串龍灣最上陂方池藏丙穴小盎長辛夷皆
日山茶活搖風石竹垂蠶翁無別好可許線楸移是日
栽楸移

弟雲亭新闢小圃余為題曰春草園

人世百年少一年一回老天意逐年新一年一回草人
道園中花錦繡盡堪誇我道園中草茸茵無用賒長懷
周茂叔窻前綠滿目忽見謝惠連池塘佳句出君園何
時成請以春草名但願人如草春風吹即生君亦知此

越引到草深處醉倒看青天白雲自來去

畧坪張山人隱居

雖云居近市却是僻如村臨水常安榻看山別設門飲
醇知友德塗墨亦師恩相對俱頭白頗驚感舊魂

睢水關

微外詔差路當年設險關一江流瀟水萬笏拱岷山官
炭黃錢販番椒白草蠻車書今一統荒堡成樓閣

泇溪夜行

溪水隨我行忽別不知處我行至前村溪水又相遇萬
水千山管送迎翻雲覆雨手中生故人今日知何去不

及溪流送我情

見賣薔薇花作

喚賣薔薇三月天兒童爭戴幾枝鮮老人見此態狂甚
欲購囊無大版錢時錢有大版
二版之別

唐家洞

地逼櫺椽氣崖摩積鐵形泉拖千丈白苔濕四時青空
腹懸鍾乳當頭列畫屏便思移宅在危坐讀黃庭

客至

跡足卧西軒客至慵不起自言城中來新詔憐赤子盡
獨今年租歡聲沸閭里聞之慰老懷種秫已可喜又添

數甕雲幸免醴如水自慚久疲癯痂瘡搔滿指不覺筋
力強蓬頭自梳理起來索布襪忘失草堂裏

三弟檢討墨莊自楚回里以出峽草見示言此行

於金陵得見袁子才於杭州得見祝芷塘為快事

為題二首

去冬方出峽今夏始歸綿却怪風波裏如從平地旋客
懷同負米市易擇新錢縱有文如錦應難換粥餽
窮本飢驅去詩翻滿載歸秋風何太速夜雨久相離咏
史逢袁虎談文憶祝龜茲遊良不負得見兩名師

滅徙

徙者癰也蓋移徙處地自廣也余有癰始在足
腕後移兩項百治不驗綿竹何鰲峯教予驗方
以田中秧螞蟻搗爛塗之痛數日根株可絕余
遵用之項肉噴起呻吟五晝夜癰決如崩膚落
滿地癰滅而余亦委頓幾絕蓋用濟河焚舟之
例以滅徙實割地以予徙也因作滅徙詩以自

警

瘍經一百八惟癰最頑鄙其性善遷移建號故名徙雖
云不足憂輒與項唇齒乾涇風馬牛沙蟲聚族起竄居
皮膚間早晚謀不軌始徙之來奔在項下窺底築郭纒

如錢不直置不理偶然值蠢動抑搔亦可喜後乃據咽
喉夾項依兩耳荷葉簇魚鱗剔批費摩揣抉之屑騷騷
快意恨少弭一痛乃徹骨膏血流不止方知爲內患府
藏猶遠彼遂疑爲外憂螯賊實在裏屢攻寇益訂息戰
騷又起憂將同百年禍欲延千里戴天非不共墜地懼
無已不許吳越成竟憤齊魯恥謀之藏與獲不疾疥蠹
累謀之妾與媵又作投鼠擬醫國等醫人非戈亦非矢
不知何方人欵門願除此自言青腰蟲人號秧螞蟻家
世本農居春夏常行標知君有隱憂故獻計一紙君欲
除巢穴視之如折筮但須能割愛仇敵乃披靡聽則爲

君滅否則騰身駛便持伐性斧請從將軍指遂揮三十
 人竟投徙國壘戰聲五日夜徙子化為水健兒無一還
 項亦及捲矣惜哉青將軍忠冠田橫士封卹未見褒闕
 恩當汗泚而項亦鮮孝一念忘身似不凜垂堂戒髮膚
 甘自毀然項之為項倔強固可恃筋傷非不苦赴敵不
 稍俟寄語小么麼未平諸瘡痛勿再欺項君定計在咫
 尺誰為詩代傳項主人姓李

醒園雜詩八首同墨莊作

大觀堂

萬松園一臺前榮見千里每逢風雨來濤聲亦可喜

木香亭

迴廊深且幽靜室矮而敞時有幽禽來作巢樹梢上

栗亭

敲落聽兒拾爐煨任客嘗安亭最幽處四面栗花香

坐花館

桃李滿芳園天倫多樂事癡兒不解花遶樹尋果飼

清溪草堂

清溪溪水清照見溪上屋幽人正著書燧光映修竹

洗墨池

石亭下有池題詩多石刻至今池下魚頂上有遺墨

臨江閣

俯視江天青仰觀江月白年年江上人閱盡往來客

巢雲堂

古有巢居者寥寥不可聞忽逢赤松子長嘯入青雲

栽花二首

醉裡生涯最樂耽茂林修竹似江南客來若問翁何事

趁雨搗鋤植氣柑蜀人謂柑為氣柑

課獠清晨上小岑栽花直到日微陰詩成不用旁人和

自有流鶯相對吟

得歸茅屋

在四柱軒南用杜少陵再至草堂首句意也

幅巾藜杖得歸來心已全灰眼倦開宦海波濤都似夢
做廬風雨幸無頹萬竿惡竹不勝斬數寸新松尚可培
却喜間闌非揖讓儘容踈嬾不須陪

嘲石土地

石土地雲谷之僕也名龐八為人朴拙而貌偃

僕舉止可笑故名

占得人間土地名定應頑石老成精心如混沌竅初鑿
身似籬籬俯不成背上重擔何日釋曾前魄礪幾時平
橋頭樹下全無分只合長隨老曼卿

水烟壺

腹如壺以銅為之柄如鵝脰長其筒入口以噓烟氣其烟紫橫安背立腹內受水噓

畢則

本係呵烟器呼壺亦近之鼻嘘龍虎彩腹吐雨雲馳既
濟占周易司人缺禮儀最宜微醉後旁挈小童兒

和鄒鑑亭韻

故人相見轉成愁白髮毵毵各滿頭性辣桂薑嗟已老
身衰蒲柳尚禁秋寄居客幕君如燕浪跡江湖我似鷗
何日天台同採藥桃花洞口看溪流

成都送弟墨莊木菴北上

雨浥紅塵黯不分錦城絲管不堪聞一杯駟馬橋南酒
萬里飛鴻塞北羣追送難隨綿水月相攜猶憶大莪雲

憑君寄與京華友小李將軍欲賣文

園園雜詠四首

園園初築亦悠然地狹偏能結構堅登石為山全種竹
穿池引水半栽蓮拈花偶笑人稱佛戴笠行吟自謂仙
曾到名山遊脚倦此生只合老丹鉛
獨坐園林百不思細觀物理識安危鳥巢密樹飛方覺
魚在深淵躍始知甕面常留親漉酒案頭時有白園詩
本非畢卓何妨醉莫怪長年獨把卮
老來意氣尚縱橫指點前賢入品評未許陶潛稱酒隱
肯教杜甫占詩名好官市上優兼偏佳客門中弟與兄

看透世情惟冷眼知予不是不平鳴
一年一度出遊遨多所枝梧少所遭題壁草書驚太怪
逢場作戲詫猶豪不能酒却常求醉畧解棋偏自詡高
漢帖唐碑是知已歸來何惜校讐勞

移居四園二首

奚童隨我蹇騾回水檻山亭次第開林下鳥聲偏聒噪
杯中蛇影尚驚猜北窻暫卧涼風至西圃方澆驟雨來
經濟一生如此了天年只合老樗材
嶺上多雲只自怡山中幽事許誰知奴諸買藥回場早
婢解澆花汲水遲謝客不藏家釀酒教兒重寫近吟詩

合家只要團團樂富貴何須羨屨屐

七月二十日起成都慶典局

萬壽期臨赴局忙朝衣檢點入行裝癡兒不識山龍袞
誤認阿翁入戲場

將過廣漢邀雲谷赴局四絕句

傳聞廣漢多才子巨擘繩鄉手屈公一自留題金雁驛

酒樓都唱滿江紅

雲谷與望亭和余集中滿江紅詞十首人皆傳誦

人傑原須仗地靈飽諸水綠與山青邇來聞得頻道倦
夜雨挑燈註葬經

宋老園林百卉奇觀花每到必留詩鳳仙勢利明朝看

定為仙班少兩岐去年雲谷與余昆仲遊宋園忽鳳仙發三兩岐今墨莊已上京補翰林故

與君同作老漁翁兩紙書催錦水鴻收拾釣竿還自笑
一班草莽盡呼嵩

長歌 贈艾子

去年高踏峩眉煙招攜子季下南川故人相望隔雲水
武陽不到心茫然黃蘆白荻城西路君家正在城深處
槐陰池閣酒初闌細雨孤帆別君去今日相逢錦水濱
一杯重把暗傷神老來豈可無鴻侶長憶峩眉共往人
移居同年王心齋宅心齋官懷寧令以事繫獄久

之得釋今歸錦城奉贈用前京中寄懷原韻

與君登籍憶髫初轉瞬今為兩隱居蘓武新歸邊上節
鄒陽曾上獄中書負車猶怯銜枚馬解纜同為縱壑魚
共沐恩波返田里林間歲月總寬餘

心齋置酒

本自安閒偏自忙錦城鹿鹿造君堂耳還欲塞聾何害
身各無官醉不妨婢似康成詩解誦姬辭樊素恨難忘
江南往事回頭看總是人生夢一場

豆腐四首 和心齋韻

諸儒底事口懸河總為夸張豆踏磨馮異蕪蕪啗卒辦

石崇齏韭笑調和，捫來鹽滷醜醜膩。濾出絲羅漚液多，富貴何時須作樂。南山試問落其麼。

家用為宜客用非，合家高會命相依。明末吳宗潛有大烹豆腐瓜茄菜高

會荆妻兒石膏化後濃於酪，水沫挑成縐似衣。豆腐皮剝

作銀條垂縷滑。豆腐條劃為玉段截肪肥。豆腐塊近來腐價

高于肉，只恐貧人不救饑。諺云豆腐撥成肉價錢

不須玉豆與金籩，味比嘉穀盡可捐。逐臭有時入鮑肆，

鮑者為臭豆腐聞香無處辨龍涎。乾者名五香豆腐乾市中白水常成醉

白水豆腐寺裡清油不碍禪。清油豆腐最是廣文寒徹骨，連筐秤

罷卧空氈。世謂廣文有連筐秤豆腐三斤之謙

敏捷詩慙七步成。曹子建七步成者豆詩到門何敢荷歡迎，菽吟

秀水難追和。朱彝尊子昆田字西陵有吟菽乳詩乳讓蘇州獨擅名。姑蘇槽豆

腐華未擷時清可點。豆華加米為點清飴渣全淨後白蓮城。豆腐渣

家園漿果紅于染。染漿果葉煮豆腐極嫩却悔屠門逐隊行。

前過廣漢聞宋老人病，今再過則下世矣。為之悵然。

再向房湖過，仙翁已古人。薤悲盈砌露，花尚滿園春。壁上詩猶挂，房中榻滿塵。真成老病死，彈指見禪因。

金雁橋，晤湛明府。夢蛟之井研，任余視學廣東時。

河源廣文也，枉駕醒園不值。邂逅于此，並得湛祖

貴趙希璜二門生書

我已老甘退君方筮仕初十年川北卧兩紙嶺南書金
雁橋邊驛雲龍寺下廬相違忽相值懍恍意何如

病起

秋風昨夜至木葉滿庭飛病倚童爲杖寒呼婢檢衣雪
翻粳粥熟雨打桂花稀不到東園久蒼苔一徑肥

泊七里漫

我舟抑何疾彼舟亦何漫鴻飛雖冥冥爲弋者纂譬
如薄取魚旋浮旋入汕雷霆起倉卒波濤助酣戰彼昏
殊不知交睡方爛熳果然貯阿嬌黃金鋪作薦其心大

欲欺其實罪可輟豈惟孽自作亦惟神是慢從此防蕭
牆不使生內患割斷愛河腸慟別所狎串回舟淚滂沱
淒風洒山澗

資陽江見月

資陽江上月瀲灩水中流燈火商家艇笙歌伎女樓酒
腸如角出詩興似蕉抽省識懷中照深慙浪出遊

簡州懷南充署牧湯蔣芥

時在制軍幕

聞道甘棠遍兩巴數年竟以幕爲家鶴樓只作曾浮梗
牛鞞還成未代瓜蜀竈千山熬黑鹵吳船萬里跋紅花
任他清俸平分半檢點何如自坐衙

懷州登翟家樓題壁

扁舟月夜下 資州一路灘如竹節稠
拾得明珠還合浦 歸來仍醉翟家樓

登雲頂山

萬仞孤峯翠 逼天淒松冷栢擁高巔
白雲不放山頭出 明月常從井底懸
點點神燈疑傍樹 涓涓泉水瀉成川
頭陀石塔依然在 可有衣從石內傳

宿雲頂山天宮寺

天宮殿宇鬱沉沉 明滅禪房一盞燈
對月坐來清似水 和雲卧去冷如冰
不愁前路少 知我可惜名山無好僧

盍用攀留吾亦覺 下山只用一枝藤

龍洞在鹿頭關下

羅江多靈山大半空 其腹鎮以鹿頭關
下有癡龍伏昔者 李道人騎鶴來棲宿
門爐燒降香乍訝 雙童出不知何年湮
竇門版堵築尚有一泓泉 冷然纓可濯
淺深渾不辨 但覺黑煜煜 試以石投水
確礮轉車軸 訇訇如雷鳴 驚起兩蝙蝠
從者愕相顧 俯視爲蹠蹠 老人爲予言
曾於此伐木斧聲一丁丁 鼉鼓應深谷
天旱水不枯 夜寒月可掬 其洞本岬然
四時流五穀 曩有窮源者 捫壁必以燭
石扉欵青苔 香氣觸甘菊 就中別有天
髣髴光

童山詩集卷二十八
入目忽聞雞犬聲徐步乃退縮獻賊屠蜀時居民避爲
屋至今窳室中尚有骷髏哭近年亡命徒逃獄畏官逐
往往成淵藪藏匿聚奸族因之塞其竅僅可供沐浴吁
嗟天生民豈必在鞭扑作孽雖自求教養歸良牧我願
開此山洞然見心曲德政化頑梗寬仁變局促庶幾刑
罰中有所措手足不但世宇曠亦可訪古躅何當勒此
言永爲萬姓福

大霍山

竒花冬蔕蕾古木雪雕疎舊是神仙窟今爲佛子居靈
瓜心沁入銀杏指真如接引何時引無眠綺疏

十二月二十六日再宿羅真觀

信是山人不肯閑天風落木走深山今宵直卧雲深處
要看龍車夜往還

雲外歸車野水秋
 不覺山人不覺天
 風落木去對山
 全曾直宿
 十二日二十六日再補蘇東隱

童山詩集卷二十九

綿州李調元雨村

辛亥上

雨中望金頂山

一山孤立衆山宗
 盤繞青螺萬萬重
 雲裏長疑披絮帽
 雨中偏喜着輕容
 人言海內無三島
 我道村中第一峯
 倚得孤松喚金頂
 問他可也受秦封
山頂有松一株望
 之如傘故俗名金
 云頂

塔水橋熒惑宮訪月上人留詩二首

淨室涼如水
 到來心便清
 雨勻花變色
 日暖鳥多聲
 圃

內乾坤小心中日月明邇來添百藝詩字亦加精
聞君逢月朗獨坐挹風清有笳笛三弄無人琴一聲官
同禪榻坐隣借佛燈明更喜傳衣鉢高徒譜漸精道十
緣從月上學琴

遊玉京山景樂宮聽道官劉虛靜彈琴二首

到門琴忽止羽扇出前軒便請閉雙戶凝神爲一彈焚
香翔白鶴度曲引青鸞此去蓬萊近微嫌尚作官
遶屋蕭蕭竹人間無此幽忽聞過站馬驚退出關牛地
好偏隣郭仙居只愛樓知君日無事坐對水悠悠

墨香泉 并序

墨香泉在羅江南塔天台山下向聞玉京山道
人劉虛靜爲余言欲遊未果今年正月十九至
東山邀虛靜同遊乃過芙蓉溪披荆剪棘沿江
而上有石曰釣魚磯亭廢尚餘柱眼折而東上
有巨石鐫上天梯三字爲邑人蘇字姚大護書
無年月稍偏又有石書山高水長四字失名姓
再上卽觀音堂今爲邱氏祠堂翠竹青松與怪
石相間旁石楷書釣鰲亭三字石俱橫卧刻龜
蛇魚鼈之形其下有泉滋滋流注廣三尺許纔
如牛蹄泔而水黝黑終年不竭虛靜指曰此卽

所云泉也上有隸書三大字曰墨香泉並題詩
云泉源混混自天成最喜長平徹底清時有文
人將墨浣詎無詩客引觴并芷香日暖滿芳徑
樹色春深腴古亭憶昔羲之若聞此也須醮筆
草黃庭萬歷壬寅仲冬楚江夏處桂程宗道題
此碑向爲州志所不載余因探入梓里舊聞並
紀以詩

我生好遠遊最近返不曉聞道南山下有泉出林表厥
名爲墨香未到已傾倒朝來同羽衣訪此小瑤島細逕
如羊腸曲磴隨飛鳥伊誰釣魚磯投綸餌陽鱗至今餘

柱礎亭廢已難考遂登上天梯便覺衆山小何年觀音
堂邱嗣已改造翠竹夾青松小棘扶大棗亂堆石亦奇
刻劃工頗巧遙望釣鰲臺蠅脊龜蛇擾忽聞琮瑋聲俯
見琉璃湫下有黑蛟沉上有盤龍繞欲飲愁心黑成文
試手撓黳黷陰氣多濁泥阿膠少借問誰著書遺下洗
硯沼得非烏玉玦又爲唐生討不然松滋侯曾於此浴
澡復疑元香守甘澗從人禱懍懍不能明誰復探幽渺
細觀泐石人爲明程宗道詩固庾信清隸亦李斯好生
爲羅江人不識羅江寶急付小胥磨留作州乘稿

借何鰲峯遊三溪寺二首

不識三溪寺相攜過石橋一泉觴始濫萬里箭如標風
雨逢龍怒烟霞養鹿驕到來心共寂閒坐話前朝
昔有玉川老于茲坐講禪塔經千劫火龕尚一燈然碑
蝕祥符字田施永樂年可能衣鉢在杯渡定應傳

獨遊馬院寺龍洞

僧言龍洞多奇石白晝還須秉燭遊貪看玲瓏懸佛手
渾忘礪磈觸人頭撲來蝙蝠火幾滅踏碎骷髏鬼亦愁
我欲持斤斲山骨却妨龍睡且須休

送別鰲峯赴京候銓

連年詩酒對笙歌此去堪交更有何今日一杯春酒共

明朝萬里暮雲多痴心莫學魚緣木政跡遙看虎渡河
贏得腰纏須放鶴弋人何處篡習羅

劉社長送盆花

自入新年樂事增每于方外得良朋不逢酒友卽花友
纔遇琴僧又畫僧月到池邊同客話雨來樓上引人登
却嫌尚少遊山伴踏遍峻嶒萬萬層

鐵爐溝

華陽曰梁州別有水名黑灌注川之半大抵皆盧色搗
索走神泉有溪聲不息夾岸皆野花藤篠紛如織中有
百尺潭沈齋深莫測天忽傾隄糜如潑萬斗墨豎石負

鼉鼉橫石卧怒特崖立狡狴形灘下鷓鴣翼疑昔古冶
子于將煨溪側又疑永州步飛來自楚國不然非屏夷
胡墮西方爨旁有蔡倫家慈竹四面植見客淪龍團恐
是烹烏賊自非陳玄輩不敢同飲食吁嗟行路難對此
泪沾臆

三月三日遊浮山飛鳴禪院訪柴豹文和張菊圃

明府韻

人生如浮雲我更浮雲外好爲逍遙遊恥作齷齪態昨
日池邊花春風舞澎湃安能守殘紅如女處閨內忽憶
小羅浮奇峯互相背三遊安陽城未到心獨愛豈無東

山屐寡侶輿輒廢我友柴豹文平生所傾蓋近厭溥亭
喧遠伴飛鳴嘔夜夢思見之兼覽名山大朝來乘小輿
樵青攜一對出門隨好風便入劉阮隊忽見十二峯白
雲橫如帶平步登須彌身縮小如芥山浮我亦浮不辨
天駿隼只恐浮上天墜地或有礙遂洞聞飛泉絕頂流
成瀨凌霄糊繇愁上梯鮪魚退丹景失嵯峨青城遜傀
儡竒哉今日道矧又得吾輩回頭問童冠此客無乃怪
山澤多龍蛇相生復相害世上饒豺狼此食彼已代惟
有深岩栢古色今尚黛夜來山更幽虛堂萬景會細和
賢宰詩人籟讓天籟

浮山看牡丹遲張薊圃不至

僕惟耽卧終成疾僧愛澆花亦近淫
皂蓋不來天又暮空山愁絕雨淋淋

安縣道中四首

神泉不敵井泉香雀舌還輸獸目張
三月安州逢穀雨春山到處碾茶忙

柘村東去棗園西巨石橫江竹徑迷
一路綠陰花事了隔山無數子規啼

鐵索橋西有石龕茂林修竹似江南
何時麤了向平饋每一峯頭結一菴

獨槐門挂酒帘新到處逢迎有主賓
兩次羅浮留我宿峯峯認得李山人

西昌道中二首

西山白鷺下晴臯金婦橋邊水滿槽
磨罷秧田平似掌一簑夜雨下鰍象

村庄處處看薔薇客路春光漸覺稀
四月農家蠶豆熟滿籃剝得綠珠歸

界牌

不下帷人肯下階等閒十日住花街
老來兒女情偏篤兩過何家問界牌

借何九臯及異齋體齋善長遊石巖菴分韻得石
字

何年落伽山飛來一片石小虵蠕蠕下掉尾入巖壁清
泉響笙竽異花間紅白三高讀書臺不見讀書客

同異齋體齋登松山

山下即明高氏
第簡節祖塋

橫山如軾水如弓高氏先塋在嶺東短碣深埋青草裡
邊堆山斜插白雲中松經入伐猶巢鶴卵爲年多有寄蟲
富貴回頭真似露野花零落滿蒿蓬

輓故泰安何明府瑞菴人臆

不見音容嘆閔其誰知死別是生離劍南夜雨連淋後

山左秋風祖道時官罷似天難補石家貧如地竟無錐
園亭初築身先迓老友彫零不勝悲

月上攜琴見訪戲贈二十韻

曉聞剝啄聲聞人以客告脚穿遙集屐頭戴毘盧帽
偻道衣長躑躅步武跳右目眇不視左手折能掉其後
有沙彌背琴同客到知是月僧來迎門撫掌笑如今釋
迦法半爲俗僧盜不復問叅禪但解唱佛號肯顧墮泥
犁方且入強暴吾師偏不然解作仁智樂獨抱思聰琴
彈出山水妙非但語清竒實見品高蹈吾生具隻眼取
人不以貌今朝不速來正直吾欲名洗盞酌春酒夷然

不屑嚙何以慰飢渴操縵釋費叫我有謝童兒清秀頗
知要願求師指授孺子尚可教師曰吾當傳勾挑便已
省翻慙六十翁到老不識竅

題青社酒樓

小橋斜枕碧溪流新柳依依蘸小溝班竹笋香供夏饌
來牟麥老當秋收此間便是登三島同樂何須羨五侯
一笑市人誰識我醉來高卧酒家樓

馬蹏寺長老重疏拍掌池成詩以落之

神境清如此靈山實在斯王來驚馬蹏佛去化魚池湮
沒無人問披搜獨我知草深圍龜窟花落網蛛絲開鑿

千年後成功二月時小亭分八卦大厦惜孤支捐鉏趨
鄰姥投錢競里兒水觀重露面題句當周施

羅漢寺訪禮汀和尚

慢說高僧近世無江南宗派出丹徒譚禪語帶蜜殊氣
著作爭傳羅漢圖月到一龕飯馬祖雨餘萬竹長龍籬
連年閱遍西川衲只有參寥合配蘇

贈王魯齋潘同年

斜陽初下掛鐘樓有客來同座上誰晚歲人情同魯酒
少年意氣笑吳鉤風塵碌碌誰青眼雲水看看盡白頭
解道功名全是幻何妨日杖百錢遊

什邡甯湘維錡明府招飲席上奉酬二律

通年多傳食又過什邡候客豈戴安道兒真孫仲謀索

書僮小誤集句古無儔公有集王右軍半刻燭聽論史

真堪大白浮

美釀傾牛乳佳殺剪鼈裙東畿曾識面北海又論文我

學鷓甘退君才驥不羣醉來書潦草笑倒耿參軍時耿參軍

生在

附

什邡令甯錡錡湘維會稽

古蜀名賢盛於今得李侯心傾終夕話面憶十年謀

錯比屋烏好慚非陰鶴儔摩挲題寶劍紫氣斗牛浮

行囊攜絳帳走馬看紅裙安石山中屐東坡海外文

淡交自忘分塵吏敢超羣若論騷壇主還應讓使君

再登前韻奉酬

飯牛終遇王射虎厄封侯書祇留雛讀田皆為鶴謀山

川難是伴河漢怖非儔何處藏名姓行將卜海浮

護草樹之背榴花妬煞裙林中鳥反哺山裏豹慙文看

劍龍吟匣聽詩鶴立羣夜歸逢醉尉誰識故將軍

什邡縣

什邡卑濕地時雨復時晴字向閒中學詩多醉後成萱

花垂鵲嘴豆莢露貓睛偶向城中過爭傳小李名

南籠太守唐堯春自湖南扶母櫬至重慶卒喪過
什邡不及弔透作挽詩二首

夢斷湖南信人驚蜀北魂乍逆如雨淚空負見星奔十
載莊周蝶三更杜甫猿同官又同學安得不聲吞

本期鄰是卜近買宅綿竹東門與堯春宅近何意旄先回車過腹應痛
灰然身已頹堯春以南籠敗級捐補候闕未任全家仰朋友行李仗輿

僖宋玉江邊宅誰為閭草萊
臨安太守張同年蔭堂玉樹由武功攜眷自蜀之

任過綿枉駕醒園見訪不值留詩而去
聞道有姚合來川訪李頎不知人已去翻令王空驚

雙鳧速金山五馬飛猶聽兒輩說思我頗調飢

湘維赴省郎君立仁邀遊西湖時荷花初開却寄
湘維二首

客遊仍得到官衙喜接郎君笑語譁北郭遙連千个竹
西湖初放一莖花殘碑斷字題雍齒流水高山憶伯牙

幾日琴堂重把酒浮踪只恐又天涯
豈有山人役踐更漫勞車馬候前程一肩行李原無定

半面荷花倍有情雨過芳塘拳睡鴨日斜柳港坐聽鶯
大蓬山色青如許東道還期約後盟

新繁和湯蔣芥建業聳翠亭韻

衛公遺跡處亭閣發其幽大雅一龍嘯巴歌盡鳥啁荷
翻魚暗戲萍動鴨初浮窈窕人何在關雎第一洲

附

新繁令 湯建業 蔣芥 武進

翠栢老千古新亭敞復幽水深魚暗度風靜鵲還啁
星漢當窻列芙蓉隔檻浮此中有真趣何必羨瀛洲

赴新繁預祝湯蒔芥仍用簡州寄懷原韻

介壽何須下里巴絃歌早已遍千家滿堂共祝如松栢
有客惟知雪棗瓜若問謫仙推我李却慚獻佛借君花
論詩一字心甘服屈宋何妨遣作衙

聳翠亭

參天栢蓋影童童聳翠新看立水中何必樓高方得月
應知亭敞最宜風鶯從柳底穿梭似魚躍淵中破鏡同
畢竟紅顏多命薄開花無子爲誰紅

聳翠亭襍詠六首

樓閣居然似畫圖城陰闕處一亭孤到來便覺清無暑
要算刀州第一湖
玲瓏四面水光鮮翠蓋田田六月天恰似西湖堤畔路
柳梢只欠小漁船
分明人語草橋東只隔荷花路不通釣得金鱗三十六
一齊喧動水晶宮

前身應是高常侍歷遍三川句益奇贏得庭空諸吏散
竹憲深處課兒詩

城中亦復有蛙啼總為湖深認作溪自是今年春雨足
水田處處叫秧鷄

蟬聲何處費尋求古木森森綠樹稠最是晚涼宜洗馬
桃花樹下看騅驄

辛亥六月五日新繁蔣芥湯明府六十初度是日

讌集東湖聳翠亭調適由濛趨祝黍居座首天光

樹影清風徐來荷氣襲人酒香撲鼻咸曰今日不

可無詩以暢雅懷謬作首聯諸公以次秉筆主人

詩伯也誼不容辭詩成共得二十韻主人邵壻皆

能詩例得備書雨村 治齋 謹堂 樂齋

蔣芥 儀甫 牧堂 泗濱 蘇臺 劍函

令尹懸弧日新亭初構時蘭亭重有序雨村蓮幕盡能

詩清白江無愧治齋龔黃政可媿敢持山作壽謹堂直

指海為厄勝會延三益樂齋冰淵凜四知開筵爭校射

蔣芥虛牖聽彈棋松老犀千甲儀甫菱窺鏡一池蟬鳴

疎欲斷牧堂燕舞合還離草閣橫秋水泗濱深林漏夕

曦荷香飄冉冉蘇臺竹動影遲遲繫馬長堤外劍函流

觴曲水湄嘉穀烹鹿脯雨村野味薦蹲鴟坐待南薰拂

治齋

旁宜絲竹吹金罇傾綠醕謹堂玉樹映丹枝遶屋

雲霞燦樂齋臨軒錦繡垂堂前雙鳳舞儀甫膝下六龍

隨客唱南飛鶴牧堂星從北斗馳雙鳧今可網泗濱五

馬早相期天上開千叟蘇臺人間介一眉龜齡應不

老肯但祝期頤雨村

觀音寺苦熱有感

本因熱甚思求雨待雨來時熱轉多夜氣正涼方怯暑

世間偏有撲燈蛾

彭縣謝康侯明府三晉招遊賽丹景新建寶星亭

寶星天上落化作一拳亭水湧孤城白山連九隴青最

宜觀稼到恰已有紗聽丹景何須賽彭門自可銘

馬脚井阻雨寄懷甯湘維明府

一雨竟不住秋風生暮寒遊踪泥馬脚歸翼帶鵬搏逐

虎颯櫻易驅蛇菹放難餘生君所賜感極涕洟瀾

暑夜宿中和塲

暑氣不肯退秋宵尚未涼蒲葵風在手茗椀雨鳴腸月

出雲還掩雞鳴鵲尚翔齋螢爾何苦猶自炫微光

自什邡歸夜宿羅漢寺簡禮汀

欲將四大作禪床人愧金山玉帶長留客好心翻咒客

明朝江水漲濛陽

童山詩集卷二十九

贈百歲老人王維祥

八旬 天子少百歲老人多南極星初見西方佛乍過
問年趨絳縣歷劫數恒河補服黃金燹銀牌白玉磨家
家春浩蕩戶戶日融和獨有孤臣淚恩深 聖王波未
逢 千叟宴空祝萬年歌從此甘淪棄終身老澗阿

皇朝詩林

八旬天子少百歲老人多南極星初見西方佛乍過

問年趨絳縣歷劫數恒河補服黃金燹銀牌白玉磨家

家春浩蕩戶戶日融和獨有孤臣淚恩深 聖王波未

逢 千叟宴空祝萬年歌從此甘淪棄終身老澗阿

贈百歲老人王維祥

八旬 天子少百歲老人多
南極星初見西方佛乍過
同年趨緝縣歷劫數恒河補
眼黃金發銀牌白玉磨家
家春浩蕩戶戶日融和獨有
孤臣淚更深 聖王波未
逢 千叟宴空祝萬年歌
從此甘淪棄終身老澗阿

